

鼎鑿幼幼集成

鼎鑊幼幼集成卷之二

羅浮陳復正飛霞氏

廬陵劉勣采孟氏校正

遂陽周宗顧虛中氏采定

○胎病論

兒之初生有疢亦惟胎弱胎毒二者而已矣胎弱者稟受於氣之不足也子於父母一體而分而稟受不可不察如稟肺氣爲皮毛肺氣不足則皮薄怯寒毛髮不生稟心氣爲血脉心氣不足則血不華

色面無光彩受脾氣爲肉脾氣不足則肌肉不生  
手足如削受肝氣爲筋肝氣不足則筋不束骨機  
關不利受腎氣爲骨腎氣不足則骨節軟弱人不  
能行此皆胎稟之病隨其臟氣而求之所謂父強  
母弱生女必羸父弱母強生兒必弱故小兒有頭  
破顱解神慢氣怯項軟頭傾手足痿軟齒生不齊  
髮生不黑行住坐立須人扶掖者此皆胎稟不足  
之故也

胎毒者卽父母命門相火之毒也命門者男子以藏

精女子以繫胞道家謂之下丹田也夫二五之精  
妙合而凝純粹之精鎔液而成胎淫佚之火蓄之  
則爲胎毒矣蓋人生而靜天之性也感物而動人  
之欲也成胎之後其母之關係尤緊凡思慮火起  
於心、恚怒火生於肝、悲哀火鬱於肺、甘肥火積於  
脾、淫縱火發於腎、五欲之火隱於母胞、遂結爲胎  
毒、凡胎毒之發如蟲疥、流丹、濕瘡、癰癩、結核、重舌、  
木舌、鵝口、口瘡、與夫胎熱、胎寒、胎搐、胎黃之類是  
也更如一七之臍風、百日之咳嗽、半歲之真搐一

過之流丹此又毒之至酷至烈而不可解者也

胎寒者母娠時患熱病多服寒涼之藥又或過食生冷令兒受之生後昏昏多睡間或哕乳瀉白此內因也或百日之內忽病戰慄口冷手足踈曲不伸腹脘啼叫不止此生後受寒得之治宜溫散指迷七氣湯助胃膏爲佳

胎熱者母娠時喜食辛熱炙搏之物或患熱病失於清解使兒受之生後目閉面赤眼胞浮腫弩身呢呢作聲或啼叫驚煩遍身壯熱小便黃澁此胎熱

也。若不早治，則丹瘤瘡癰由此而至，宜集成沆瀣丹，徐服解之以平爲度。

胎搐者，母娠時會因驚恐，氣傳於子，生後頻頻作搐，其後身熱面青，手足搐掣，牙關緊閉，腰直身僵，睛邪目閉，多啼不乳，此乃胎癇不治之證。如因身有熱而作者，必先啼叫，雖曰胎病，由外因也。宜天麻丸，後以六味地黃湯滋其化源，久服自愈。

盤腸氣者，幼科稱內吊者是也，皆因胎氣鬱積壅結，榮衛五臟六腑無一舒暢，其氣不能升降，築隘腸

胃之間抵心而痛其聲轆轤如猫吐惡乾啼口開手足皆冷宜疎散通氣調中散及木香丸

臍突者小兒多啼所致也臍之下爲氣海啼哭不止則觸動氣海氣動於中則臍突於外其狀突出光浮如吹起者捏之則微有聲用亂髮燒灰枯礬等分爲細末敷突臍上以膏藥貼之自肖

不乳者小兒生下三二日間忽然不乳當詢問之勿以不乳作臍風治蓋臍風有多啼撮口之證此則無之但不乳耳有吐乳乳之又吐者或因拭口不

淨惡穢入腹也宜用檳榔木香甘草煎湯與服如  
啼哭不乳者腹痛也亦胎寒之證宜木香丁香乳  
香當歸甘草煎湯與服如無已上諸證無故不乳  
宜問其母之乳汁多少乳多者傷乳也宜少節之  
不久自思乳矣乳少者必有他證細心察之

胎黃者兒生下面目渾身皆黃如金色或目閉身上  
壯熱大便不通小便如梔子汁皮膚生瘡不思乳  
食啼哭不止此胎中受濕熱也宜茵陳地黃湯母  
子同服以黃退爲度



胎肥者兒生下遍身肌厚肉色通紅面色亦紅而黑  
睛多時時生痰自滿月以後漸漸肌瘦五心熱而  
大便難自睛粉紅色此名胎肥是亦在胎時母食  
甘肥濕熱太過流入胞中以致形質虛肥血分壅  
熱也加減大連翹飲外以浴體法浴之

胎怯者生下而無精光肌肉瘦薄大便白而身無血  
色目無精彩時時哽氣多噦者此卽胎怯也非育  
於父母之暮年卽生於產多之孕婦成胎之際元  
精既已澆漓受胎之後氣血復難長養以致生來

怯弱若後天調理得宜者十可保全一二調元散助之

○入方

指迷七氣湯

一切腹痛寒熱多啼不乳等證皆由陰陽不升降氣道壅塞而然並宜此方凡人身內之氣呼吸出入無刻不與天道陰陽之氣通故六淫外襲則感而致病翕受之理也內氣閉塞則天道不通升者不升降者不降寒熱由此而生也是方踈利臟腑

神化無方最宜領會

廣陳皮 杭青皮 藿香葉 芽枯梗 蓬莪朮

香附米 法半夏 上肉桂 公丁香 益智仁

老生薑 大紅棗 炙甘草

右咬咀水二碗煎至一碗母子同服

助胃膏

治胎寒內釣胃氣虛弱胸脇脹滿嘔乳便青

白豆蔻 肉豆蔻麪包煨去油 官揀參 廣木香各五錢

錢 公丁香三錢 藿香葉 雲茯苓 漂白朮土炒

真青桂 西砂仁 炙甘草 各一兩 廣陳皮 二錢

洋沉香 二錢 懷山藥 五兩

爲末蜜丸芡實大每一丸炒米湯化服

集成沆瀣丹

音九械北斗夜半所降之甘露也

治小兒一切胎毒胎熱胎黃面赤目閉顴口口瘡

重舌木舌喉閉乳蛾渾身壯熱小便黃赤大便閉

結麻疹斑癰遊風疥癩流丹癰疹痰食風熱疔腮

面腫十種火丹諸般風搐並皆神效

此方古書未載得之異授微似古之神芎丸近有

能者妙出化裁而增損之遂爲幼科有一無二之神方作三焦之主治蓋凡臟氣流通者必不鬱滯或受毒於胎前或感邪於誕後遂爾中氣抑鬱則見以前諸證方內所用黃芩清上焦之熱黃柏清下焦之熱大黃清中焦之熱又藉其有推陳致新之功活血除煩之力能導三焦鬱火從魄門而出猶慮苦寒凝厥復加檳榔枳殼之辛散爲行氣利痰之佐使川芎薄荷引頭面風熱從高而下趨迎翹解毒除煩赤芍調榮活血牽牛利水走氣分而

舒鬱消石清潤抑陽火而扶陰又能引邪熱從小  
便而出用治以前有餘諸證應如桴鼓予生平最  
慎攻伐惟此方用之最久功效莫能殫述真濟世  
之良方也

杭川芎

九錢  
酒洗

錦莊黃

九錢  
酒蒸

實黃芩

九錢  
酒炒

厚川柏

九錢  
酒炒

黑牽牛

炒取頭末六錢

薄荷葉

四錢  
五分

粉滑石

水飛六錢

尖檳榔

七錢五分  
童便洗晒

陳枳殼

四錢五  
分  
麩炒

淨連翹

除去心隔  
取淨六錢

京赤芍

六錢  
炒

右十一味依方炮製和勻焙燥研極細末煉蜜爲

九如芡實大月內之兒每服一九稍大者二九俱  
用茶湯化服乳母切忌油膩但覺微有泄瀉則藥  
力行病即減矣如不泄再服之重病每日三服以  
愈爲度此方斷不峻厲幸毋疑畏惟胎寒胎怯面  
青白者忌之

天麻丸 治胎穢先以此丸通其經絡次服地黃丸

明天麻

薑製

法半夏

北防丰

川羌活

牛膽星

直殭蠶

北全蝎

各五錢

爲末蜜丸芡實大每一丸釣藤湯下

# 六味地黃丸

卽仲景所製金匱地黃丸、原治腎水虧損、小便淋瀝、頭目眩暈、腰腿酸軟、陰虛發熱、自汗盜汗、憔悴瘦弱、精神疲困、壯水之主、以制陽光、此方是也、  
錢仲陽以之治小兒胎怯、稟受先天不足、併肝脾白膜遮睛、瀉血失音、身瘦瘡疥、腎怯語遲、解顱行遲等證、

薛立齋又以治小兒肝經血虛燥熱、腎經虛熱、作渴、小便淋瀝、痰氣上壅、或風淫客氣、癰癰結核、或



四肢搐搦、眼目瞶動、或欬血、吐血、頭目眩暈、或咽  
喉燥痛、口舌生瘡、或稟腎不足、解顱失音、五遲五  
軟、腎疳肝疳、凡腎肝不足之證、皆宜用此以滋化  
源、其功不能盡述、

予按錢薛二翁能用此方治小兒先天不足、誠卓  
然有識者、予所敬佩、奈今之小兒體質元氣更不  
及前、古以地黃丸爲補劑、今則實爲涼劑矣、此藥  
用於陰虛枯燥者、誠爲得宜、倘兒肌肥面白、脾弱  
多痰者、服此必致膩膈、變生他證、其害不小、非方

之不良由今稟受愈薄也予故爲之斟酌其炮製  
必使地黃陰凝之質稍近陽和不致沉寒沍沴始  
能免膩膈損脾之患矣

大懷地

四兩以西砂仁一兩不必搥碎生薑二兩切片縫一小苧布袋盛此二味同地黃入

砂鍋以水煮兩晝夜方入好酒煮一晝夜以地黃糜爛爲度取起其袋不用以地黃搥膏聽候

白雲苓

二兩乳汁蒸晒

懷山藥

三兩乳汁蒸晒

淨聚皮

二兩炒研

粉丹皮

一兩酒炒

宜澤瀉

一兩鹽水炒焦

右依炮製和勻一處焙燥研爲細末和前地黃膏  
少加煉蜜石臼內杵勻重一錢一顆半週一歲者

每用一九三五歲者二九俱空腹鹽湯化下倘九  
一時未備卽以前藥十分之一但宜炮製不可生  
用水煎服之名六味地黄湯功效更捷

調中散 治嬰孩盤腸氣腹內築痛

青木香 川練子 暗沒藥 白雲苓 上青桂

杭青皮 萊菔子 陳枳殼 尖檳榔 炙甘草

等分入葱白二寸鹽一錢水煎空心服

茵陳地黄湯

治初誕小兒面目渾身其黃如金胎中受濕熱也

懷生地 京赤芍 正川芎 大當歸 天花粉

赤茯苓 結猪苓 茵陳蒿 宜澤瀉

諸藥隨時定分兩水煎母子同服

大連翹飲 治胎肥解熱毒

淨連翹 瞿麥蕙 白滑石 牛蒡子 車前子

川木通 北防風 炒梔仁 羌黃芩 京芥穗

大當歸 北柴胡 京赤芍 淨蟬蛻 炙甘草

竹葉十片 燈心十莖 水煎熱服

浴體法 治胎肥

明天麻

二錢

淨全蝎

去毒

箭硃砂

各五分

烏蛇肉

酒浸

枯白礬

洋青黛

各三錢

真麝香

一分

共研勻每用三錢水三碗桃枝一握同煎十沸溫

熱浴之但勿浴拭

調元散

治胎怯

揀人參

漂白朮

白茯苓

化橘紅

大當歸

甘枸杞

炙甘草

各二錢

陳粳米

三合

爲末每服二三錢龍眼煎湯調下

八味地黃丸

治稟受先天不足

卽前六味地黃丸加青化桂一兩熟川附一兩治  
稟賦命門火衰凡齒遲語遲行遲顙門開大腎疳  
等證或火衰不能生土以致脾土虛寒不思乳食  
臍腹疼痛夜多漩溺皆稟先天不足自睥周時卽  
有虛病腎病能從幼填補亦多可復此方用水煎  
名八味地黃湯經曰益火之源以消陰翳此之謂  
也凡乳母肥白者母子同服

○驚風闕妄

喻嘉言曰驚風一門古人鑒空妄談後世之小兒受

其害者不知千百億兆蓋小兒初生陰氣未足性稟純陽身內易致生熱熱盛則生風生痰亦所恒有乃以驚風命名隨有八候之目夫小兒腠理不密更易感冒寒邪寒邪中人必先入太陽經太陽之脉起於目內眥上額交巔還出別下項夾脊抵腰中是以病則筋脉牽強遂有抽掣搐搦種種不通名目妄用金石腦麝開關鎮墜之藥引邪深入臟腑千中千死徒據小兒八歲以前無傷寒之說而立驚風一門殊不知小兒不耐傷寒故初傳太

陽一經早已身強多汗筋脉牽強人事昏沉病勢  
已極湯藥妄投危亡接踵何出得至傳經解散哉  
故言小兒無傷寒也不知小兒易於外感惟傷寒  
爲獨多而世之妄稱驚風者卽此也是以小兒傷  
寒要在三日內卽愈者爲貴若至傳經則無力耐  
之矣且傷寒門中剛瘧無汗柔瘧有汗小兒剛瘧  
少柔瘧多世俗見其汗出不止神昏不醒便以慢  
驚爲名妄用參耆木附閉塞腠理熱邪不得外越  
亦爲大害但比金石差減耳所以凡治小兒之熱



切須審其本元虛實察其外邪重輕或陰或陽或表或裏但當徹其外邪出表不當固邪入裏也仲景原有桂枝湯舍而不用從事驚風毫釐千里害豈勝言哉

又曰小兒體脆神怯不耐外感壯熱多成瘧病後世多以驚風立名有四證八候之鑒說實則指瘧病之頭搖手勁者爲驚風之抽掣指瘧病之卒口噤脚攣急者爲驚風之搐搦指瘧病之背反張者爲驚風之角弓反張幼科翕然宗之病家坦然任之

不治外淫之邪反投金石腦麝之藥千中千死而不悟也

又曰凡治小兒瘰癧妄稱驚風各色輕川鎮墜之藥者立殺其兒此通國所當共禁者也蓋小兒不耐傷寒壯熱易致昏沉卽於其前放銃呐喊有所不知妄捏驚風輕施鎮墜勾引外邪深入內藏千中千死從未有一救者通國不爲厲禁寧有底止哉又曰婦人產後血舍空虛外風易入仲景謂新產亡血虛多汗出喜中風故令病瘰癧後賢各從血舍驅

風成法可遵、非甚不肖者、不妄用鎮驚之藥、不似  
小兒驚風之名、貽害千古、在賢智且不免焉、茲約  
通國共爲厲禁、革除驚風二字、不許出口入耳、凡  
兒病發熱昏沉、務擇傷寒名家循經救治、百不失  
一、於以打破小兒人鬼關、天人共快也。癇、擎上聲、  
風強病也。  
前爲喻先生闢除驚風、指明病癇之說、誠善矣、第驚  
風之名、誤傳既久、沉迷者衆、倘不爲之剖晰、詳明  
指出、證候治療、俾臨證者有所依歸、則後人何能  
深信、予不辭狂瞽、請爲詳晰申明之、蓋病癇非止

一端男婦皆有不特小兒爲然也如太陽過汗變  
瘧風病誤下變瘧瘡家誤汗變瘧產後汗多遇風  
變瘧跌撲破傷冒風變瘧表虛不任風寒變瘧一  
切去血過多變瘧然男婦病此醫者皆從太陽厥  
陰循經救治未問以瘧風之治治瘧者無卽小兒  
病瘧獨以瘧風名而治者由宋人之訛傳也一人  
倡之遂羣起而和之然亦無師之智各爲臆說愈  
趨愈下遂致於離經叛道乃有黃帝不知幼小之  
妄談殊不知內經通評虛實論有乳子病熱乳子

病風熱脉證之辨刺逆論有嬰兒肉脆血少氣弱  
毫鍼之傳經雖三章而脉證治療井然可據蓋以  
今日之丈夫卽昔年之乳子他時之方脉卽此際  
之幼科人此人也理此理也安可岐之爲二故不  
另立科分孰料後人不特岐之而併皇皇經旨全  
然抹煞蒙蔽後人耳目得肆其無稽之妄談背經  
毀聖罪無可逭所以嘉言痛闕其謬者有由來矣  
予亦非妄言附利實有成見蓋臨證四十餘載所  
治嬰幼以萬計從不以驚風掛齒頰亦未嘗遇一

兒之驚風間有傷寒病瘧昏迷不省者予以火功  
甦之仍爲循經治療無不生全從未假一抱龍蘓  
合爲之鎮墜開關可見喻氏之言確乎其不爽矣  
或曰經以風寒濕合邪而病瘧今孔子未離襁褓  
安得有風寒濕而病瘧乎曰子謂風寒濕嬰兒絕  
少殊不知風寒濕惟孔子爲獨多如蔡藿之兒房  
廊卑隘戶牖蕭疎衣祿單寒坐臥非處風寒之來  
孰能悉爲捍禦膏粱之子過於慎重於其甫生輒  
閉戶塞牖不親風日不窺外門重衣疊綿溫暖過

度微汗時出、腠理甚疎、偶然脫換、風寒則乘虛而入矣。至於濕氣尤爲難避、凡衣祿不乾、非濕乎、衾褥遺洩、非濕乎、澡浴糞穢、非濕乎、愚夫愚婦遇兒有疾、重衣複被、包裹嚴密、以致雨汗淋漓、失於更換、非濕乎、嬰兒患是三者於隱微之中、而醫者莫之能測也。况幼科諸君、臨證不察病源、惟以驚風二字橫於胸臆、及至診視、但見發熱昏沉、卽以驚風名之、輒以開關鎮墜、截風定搐之死法、以治變幻莫測之傷寒、抑遏其表邪、邀攔其出路、乃致茶

毒以死而死者不知其然父母不知其然醫者亦不知其所以然而死之也此非後人之咎作俑者不得辭其責矣

妄名之害其禍最酷不特舉世兒科滿口驚風而舉世病家亦滿口驚風其至愚至惑者又惟婦女爲尤甚習俗相沿竟成一驚風世界最可駭者遇兒有疾亦不察其爲傷寒爲雜證爲內傷外感且先曰病由於嚇致醫者聞之正中下懷不辨是嚇非嚇先與之鎮驚及其引邪入裏壯熱不退醫者復



不究其熱之在表在裏爲虛爲實且先曰熱則生風矣病家聞之適合其意不察有風無風

先需截風定搐之藥醫必投其所好而與之病家坦然無疑而受之南轅北轍刦奪誤投病日沉危而病家不以爲怪設有明者辨證旣確不事驚風而病家不喜是必更醫必致覆水難收死而後已如此死者亦不可盡歸咎於醫蓋病家有以致之也吁妄名之爲害如此乎

驚風之名其來已久今忽謂小兒之病非驚風必

致投珠按劍詫爲不祥予亦不必深辨但以諸家  
驚風之說逐細節錄亦不忍直指其姓氏書曰凡  
有一家惟書有曰二字於首其中偏陂固執支離  
牽強者不辭狂驚小註其下而辨定之則是非當  
有公論矣

錄諸家驚風論

愚有小註以辨其惑

有曰急驚身熱目赤口鼻氣粗痰凝潮壅忽然而發  
發過容色如舊未有不因外感內傷而無故身熱  
目赤氣粗痰壅而發者此突然而  
來亦摹擬  
之辭也有因驚駭者亦有不因驚駭者大都是

火爆本急

由寒傷筋急者居多未可盡指為火爆也

故身先有熱未

有身涼而發者

二語好但應體究熱從何來始有實據若但曰身先有熱不知此熱

在表在裏未足服人

證皆屬陽宜用涼劑

豈有不經踈散而輒用涼劑不慮其

引邪入裏乎

除熱化痰則驚自息昔人謂痰生熱熱生

風風生痰其實皆本氣自病

何所據而知為本氣自病

世不解

風自內生

焉知其不由外至而盡由於內生未確

徒執天麻膽星瓜

婁貝母殭蠶全蝎雜亂風痰之藥治之不應

由於通相

授受以致禍世殃民千古恨事

更以廣東蠟丸牛黃紫雪治之及

至元氣損傷虛痰上逼胸膈膨脹則謂證變結胸

有是理哉

此開門揖盜引邪入裏誤治致敗之效

有曰驚者嚇也

驚由嚇致

山兒先有內傷復來外感肺竅

痰迷心無所主一着驚而即發也

既知先有內傷復來外感以致

於肺竅痰迷心無所主此實由於病非由於驚也今日一着驚即發則所重在驚治之者不治病而治驚置內傷外感於不問而從事於無據之驚棄本逐末其害可勝言哉

有曰驚生於心痰生於脾風生於肝熱出於肺此一

定之理也

半真半妄難曰確然

熱盛則生風風盛生痰痰盛

生驚此賊邪必至之勢

上云驚生於心痰生於脾風生於肝熱出於肺驚風

痰熱皆本臟自生何以又為賊邪不幾認子作賊乎

療驚必先豁痰豁痰必

先祛風祛風必先解熱而解熱又以何者為先乎

肺主皮毛皮毛為熱邪出入之門戶此又明指外邪則非心肝

脾肺自生矣彼風寒暑濕燥火六淫之來前云風自內生此又明言

六淫外至不皮毛受之即入犯乎肺肺本出熱地知孰是孰非

也肺主清肅之令何以見肺為出熱之地經曰形寒飲冷則傷肺此門戶豈熱邪可以出入而寒

邪獨不可燥火暑邪一入則熱與熱依而熱盛風以出入乎

寒濕邪一入肺竅為之閉塞六淫初來無過皮毛猶為太陽所主若肯

為之疎散豈能便入肺竅而致於閉塞耶則熱無所洩而熱亦盛若解

熱必先祛邪上云療驚必先豁痰豁痰必先祛風祛風必先解熱解熱必先祛邪豈非

在先竟不祛邪以致邪不能解而發熱生風生痰  
生驚今者仍從發表祛邪起而後解熱祛風豁痰  
定驚何若在先肯為解表祛邪豈不一了百當又  
何致費如此周折乎幼科鎖鑰涼瀉之誤於斯盡  
見矣

有曰急驚者肝經血虛火動生風此另換題目蓋風

生則陰血愈散陰火愈熾陰虛則陽火熾此陰火

火動肺金愈虛肝邪愈熾宜滋肝血養脾氣若屢

服祛風化痰瀉火之劑而不效若果火盛生風則

劑不為誤用今屢服而不效蓋由證候不確藥便

不對病所以費如許揣摹亦終歸於無濟也  
宜認作脾虛血損便宜認作妙毫無急補脾土急

曉明按上  
當作土

脾土則知候治致變刻  
不容緩不然何用急乎

有曰急驚屬木火上實

屢言木邪凌土木旺土衰何能有土實之證

木實

則搐而有力目上視動劄頻土實則身熱面赤而  
不吐瀉偃臥合睛治宜涼瀉亦有因驚而發者

因驚

而發神虛可知此以致牙關緊急壯熱等證此內  
為火虛非火實也

有實熱外挾風邪

此所挾之風不知指內生之風耶外來之風耶

當截風

定搐

截風定搐四字比干將鎮邪龍泉太阿更勝百倍今天下幼科皆用此利器也

有曰急驚者壯熱痰壅竅視反張搐搦掣動牙關緊

急口中氣熱頰赤唇紅脉浮洪數此肝邪風熱陽

盛陰虛證也

脉浮洪數飲冷便結明是傷寒之證未經疎解以致熱邪入裏表裏皆急

方顯以上諸證非疎裏不足  
以解表猶敢以急驚稱之耶

有曰小兒驚風肝病也亦脾腎心肺病也

諸書皆以小兒天癸

未足腎不主病惟心肝脾肺主之  
今忽言及於腎誠所謂破天荒矣

蓋小兒之真陰

未足柔不濟剛故肝邪易動

人身榮衛脈度每日寅時起於手太陰肺

然後五十度周於身至丑時終於足厥陰肝寅時復交於肺爲陰陽大會之臟貞下起元之所而幼

科目爲肝邪則人身無不邪之臟矣則木能生火火能生風風熱相

搏則血虛血虛筋急

寒傷陰榮多見筋急

筋急則眩掉反張

強直之類皆肝木之本病也

此拾內經太陽筋所生病而爲驚風之色



相可至其相移木邪侮土則脾病木盛金衰則肺

病木火上炎則心病木火傷陰則腎病

肝爲乙木陰柔之體

芽蘖之滋發生之本天地無此風本則春生夏長  
秋實冬成者以何物爲刑德五運無此丁壬則蒼  
鬱赤素玄運行於五天之中者以何物爲從合六  
氣無此已亥則司天在泉循環於左右兩間者以  
何物爲對化人身無此肝胆則受胎一月珠露方  
凝之際以何物爲鄴鄴肇基化元莫大乎此而幼  
科一倡百和目爲萬惡兇淫之害氣諸臟逢之無  
不焦頭爛額乃至於動風生火凌土侮金傷陰害  
水諸惡畢備即攻伐並至不足以盡其辜除非殺  
此嬰兒使肝木無置身之地始可杜其兇殘也適  
忤背理其何以堪或曰大都腎水未足肝氣有餘  
所以害及諸臟亦或有之今必謂其無恐難盡信  
曰嘻此言愈相矛盾矣既知腎水未足肝氣有餘  
則此無根之木偏勝之氣搖搖不定欲住無因正

宜速救根本、滋水以生之、養血以配之、汲汲培補、  
猶恨其遲而敢認爲賊邪剋之削之、凌之虐之坐  
令其凋零摧折挽接、此五臟驚風之大概也、此處  
無由不亦大可悲哉、明言五臟驚風則驚風治之之法、有要存焉、一曰風二

曰火三曰痰四曰陽虛五曰陰虛

忽添陽虛陰虛之治

有曰急慢驚風、古人所謂陰陽痢也、痢爲痼疾非暴

病之謂不應扯

入、急驚屬陽、慢驚屬陰、驚邪入心、則面紅頰赤、惕

惕夜啼、入肝則面目俱青、眼睛竄視、入腎則面黑

惡叫、齟齬咬人、入肺則面色淡白、喘息氣急、入脾

則嘔吐不食、面色淡黃、

前云驚者嚇也、惟心臟受之足矣、此處忽曰驚邪入

心入肝入腎入肺入脾又不知指驚邪爲何物而嘵嘵然論之也然風非火不動

火非風不發風火相搏而成驚風故心肝二臟主

之前云驚邪于五臟則肝風無與焉於此又必批入肝風以證其木火生風之妄語令人欲嘔

然火盛則金傷水失其母而火無所畏且木無所

制而脾土又受傷矣獨不可曰水盛則火傷土失其母而水無所畏且金無所

制而肝木又受傷矣牽枝帶葉何患無辭不過欲實一肝風名目而累及於五臟即失火殃魚亡猿

禍木未若是之婪也

有曰急驚者陽證也小兒陽常有餘陰常不足經曰

者若天與日失其所則折壽而不彰又曰陽精下降其人天易以陽爲君子陰喻小人非貴陽賤陰

蓋以陽主升生陰主肅殺故也。幼科之人必欲相反。聖人則扶陽抑陰。幼科則護陰賊陽。每每以陽有餘陰不足爲言。然雖諄諄言之。究竟不知其所謂。若謂血爲陰。氣爲陽。經曰：嬰兒肉脆血少氣弱。未嘗曰血少氣多。蓋謂真氣未生。惟此呼吸一絃而已。今認爲有餘。必使此一絃之氣出入全無。方可謂陽不足乎？若謂寒爲陰。熱爲陽。寒主收斂。熱主發生。人身所賴者。惟此陽和而已。有此陽和。則百骸五官方能運動。今認爲有餘。必使此溫煖之氣寂滅無餘。至於四肢僵木。遍體寒冰。方可謂陽不足乎？若謂水爲陰。火爲陽。天一非陰。地二非陽。坎戊非陰。離已非陽。更爲不切。若謂肺爲陰。肝爲陽。金不制木。肝氣有餘。不知肝屬厥陰。職司藏血。血乃陰榮。乙癸同治。誤認爲陽。蓋見舛謬。若謂肝爲陰。膽爲陽。膽無出入。竅雖屬少陽。專司半表半裏。有病惟宜和解。表裏嚴禁汗吐下三法。今誤認少陽膽經之熱爲陽。火有餘。輕用涼瀉攻下之治。不幾故違經訓。甘蹈誤世之譏乎？若謂真陽有餘。

小兒天癸未足，真陽尚未肇基，一發無謂。若謂五臟為陰，六腑為陽，即應品瀉六腑之陽，不應以心火肝風為賊邪，乃以黃連甘遂大寒大毒之物以瀉其不足之陰，不知果何所指而曉曉其詞，豈小兒別有所謂陽有餘陰不足乎？予之識見短淺，不足以窺其幽深，易於生熱熱盛

則生風，生痰生驚。

巴人下里之音，通國和之者歟。

且食飲難節，忽

咎於喜怒不常。

忽委罪於性情。

暴怒傷陰，暴喜傷陽，傷陰

則瀉，傷陽則驚。

上云陽常有餘，既有餘則傷不為害。今日傷陽致驚，則陽之不可傷。

者，又在言外矣。辭執兩端，難堪為式。

小兒暴喜傷乳。

上云暴喜傷陽，此言暴喜傷乳。

乳為血液，本非屬陽，何以暴喜傷之乎？

夫乳甘緩戀膈，

又歸咎於乳，汁將有鬱噎。

廢食之

又兼外感寒邪，則痰凝壅塞，鬱滯熏蒸，既

議矣。

戀眠寒復外侵以致於痰凝聖聖醫謂重蒸治痰之劑惟有絕其乳食爲上着不然病根何時得斷

哉內有食熱外感風邪上云乳滯挾寒邪此云食熱挾風邪一片迷離夢境

心家熱盛則生驚前云驚由蘇致此言心熱生驚肝家風盛則發

搐肝風心火交爭前云風非火不動火非風不發是風火交相爲用者此言風火

交爭不知所因乃痰生於脾風生於肝驚出於心爭者何物也

熱出於肺驚風痰熱四證若具八候生焉此篇從陽盛陰

虛生熱生風說起乃至食飲喜怒乳哺食熱寒邪內傷外感多般辨點仍舊說到驚風痰熱四字止

費如許心思不過欲爲驚風二字作陪襯不知無本之學謬誤之談任極口鋪張說來總不順理無

非東扯西曳以誑俗人耳目明眼者必不爲其所欺也

有曰急慢驚風或聞大聲或大驚而發搐發過如故

此無陰也當下之

內經言大驚卒恐氣血分離此正神志受傷陰陽破散挽救尚

虞其不及何以見無陰而當下不慮其下多亡陰乎此證本因熱生於心既

驚卒恐心熱何來

身熱面赤嗜飲口中氣熱大小便黃赤

劇則熱也蓋熱盛則生風屬肝陽盛陰虛也故下

之以除其痰也

上云發過如故下云身熱面赤種種熱證若謂未發搐前而見此證

此由於病非由於驚也若謂發搐之後而見此證則前之所謂發過如故者不幾囁語乎小兒

痰熱客於心間

無怪乎驟用巴豆甘遂以逐心間之痰豈知小兒作搐縱使有痰不

過阻於脾之大絡塞其氣道耳何嘗能入心間而以大毒之物伐及無辜傷其神明之臟欲不成癇

其可因聞非常之聲動而發搐矣若熱極不聞聲  
及驚亦自發搐也聞聲悸惕神虛者有之修煉家以精生氣氣生神神之倚氣如  
魚依水凡小兒稟受薄者先天既不足於姪前癸  
水復未成於現在故元精未足元氣無根所以元  
神怯怯每多聞聲則惕此實神虛膽怯不足之證  
而幼科不但不憐其元神不足而偏指爲心火有  
餘不但指心火有餘而併肝風脾痰肺熱一總扯  
入以誑其驚風痰熱四證入候之妄言復有問非  
常之聲見異類之物乍然驚悸動惕此正神鬼無  
主榮衛俱亂搖搖汎汎欲定不能之際而不爲之  
防護保救猶曰熱生於心必欲下之以除其痰入  
井下石雪上加霜此等人不知是何肺腸洵堪詫  
異

有曰小兒平常無事忽發肚熱手足搐搦眼目戴上



涎潮壅塞牙關緊急身熱目赤既曰平常無事則無病可知乍見以

上種種惡候必如俗人所言鬼病也不然何以平

常無事而忽凶危若是耶豈知小兒易感風寒易

傷乳食在先半日邪已入內兒不能言父母未覺

邪鬱不伸所以乍然而搐觀其忽發壯熱之言可

知矣非風寒入裏為壯熱即食飲停滯為壯熱此

實因病而致豈平常無事之謂哉治此無難但應

察其受病之源外因則達之發之內因則導之奪

之病邪既去神性自寧若必曰無因而致在俗人

必疑為鬼祟求之巫覡庸工必目為驚風妄為治療兩相號悞奈之何哉此急驚屬陽

病在脈每云驚風為心肝所主此處忽云屬腑不

知心肝屬腑乎屬臟乎要問幼科之開天

祖師方能辨白予則

眼花撩亂莫能識也

有曰急驚者陽證也俱腑受病耳小兒客痰熱于心

脈是少陽相火旺

每言心火此經云熱生風因將

火盛而作

不知此火何出而盛

蓋東方之震木得火氣而發

搖

此處不言肝風心火作搖硬派為少陽相火作搖但聞實得火而豐未聞震得火而搖杜撰

有曰身熱脉浮精神恍惚或吐瀉不思乳食發搖即

半陰半陽合病

身熱脉浮外感風寒也吐瀉兼作內傷飲食也但曰外感內傷足矣

何必曰半陰半陽原其意不過以身熱脉浮屬太

陽吐瀉屬陽明太陰凡幼科所言者無非心肝脾

之臟病若曰外感內傷則驚風痰熱

之證何處安頓豈不自呈敗露乎身熱脉沉精

神倦怠或吐不瀉又能乳食發搖亦半陰半陽合

病

身熱脉沉屬太陰但吐不瀉屬陽明明是陽明傷食太陰受寒顯然夾食傷寒偏不明言悲哉

有曰亦有急驚涼瀉而不愈或與吐下藥太過變為

慢驚者此等之言蓋見背謬諸書以急驚為陽為

蓋因誤以傷寒表證為急驚所以不愈也既涼瀉

不愈則認證不確自應愧悔何味焉不察而更用

吐下之藥乎涼瀉一誤吐下再誤而不變為又有

壞證者未之有也非病之能變由醫變之也又有

慢驚補溫而不愈變為急驚者語幼科疎忽於此數

脾虛陰寒為慢驚則用溫補適為恰當今不特不

愈反加變證蓋誤以傷風自汗為慢驚不知此證

本有風邪在表正宜解肌今誤用溫補而致變偏

不言錯認病源誤用反藥而日病變急驚即至於

死亦日病變於死與醫何

涉可謂善為說辭者矣

陽癰慢驚風屬虛寒、病在脾肺二臟、謂之陰癰、此

以寒熱分陰陽也、

以寒熱分陰陽、雖曰牽強、猶可混賴、以心肝二臟主陽、癰不通、

五臟屬陰、六腑屬陽、急驚發於六腑、爲易治、慢驚

發於五臟、爲難治、此以臟腑分陰陽也、

上節言急驚屬實熱、

病在心肝二臟、慢驚屬虛寒、病在脾肺二臟、此以急慢二驚皆屬五臟也、明矣、與六腑無涉、下節即云急驚發於六腑、慢驚發於五臟、是又以臟腑均有驚風也、夫六腑者、膀胱、胃、膽、小腸、大腸、三焦、六經是也、其六經證治、輕重不等、理應指明、急驚發於何腑、五臟者、心、肝、脾、肺、腎、五經是也、其五經證治、貴賤不同、理應指明、慢驚發於何臟、後人始有實據、今竟不指明、第汎言急驚發於六腑、慢驚發於五臟、豈急驚之來、六腑齊病、應用六經之藥治之乎、慢驚之至、五臟均傷、應用五經之藥治之乎、必無

是理若以上節心肝脾肺之言爲是則與下節六腑五臟不相侔矣若以下節六腑五臟之言爲是則與上節心肝脾肺陰陽相矛盾矣蓋腑臟關乎表裏豈容混稱如腑爲表臟爲裏表病不可治裏裏病不可治表不易之規以其陰陽不同內外自別不可誤治者也今詳前說既驚風之屬臟屬腑者已無定論而臨證之治表治裏者安有成規吾恐其李代桃僵有所不免如前諸家之論非但臟腑混淆表裏不辨而反多增名色眩人心目曰風曰痰曰驚曰噤曰火曰熱曰血虛曰木急曰相火曰陰虛曰外感曰內傷曰喜怒曰乳哺曰陽盛曰陰虛曰屬腑曰屬臟究於驚風二字毫無着落其論證如此支離治療何能不誤不爲規正其害豈勝言哉

諸家之說已見於前種種不經殊難盡述夫古哲立言自有定理如仲景傷寒六經表裏汗下和溫并

然不亂孰敢妄贊一辭獨此驚風之說紛紜鼎沸  
莫可究詰醫事動關生命豈容混亂經常不特來  
學無歸練達者難言不惑予因不辭狂悖易去驚  
風字樣庶知病各有名治無致悞在醫者俾不致  
入海求螭病者亦可以鑑車易轍矣

○辨明致妄之由

易去驚字

驚風二字千古疑城嘉言欲打破人鬼關其實未易  
能也蓋從前有此名目後人莫敢翻其成案惟從  
驚風摹擬究竟愈摹愈失愈論愈晦要實由於仲

陽立名之不慎也。在伊當日，或適因嬰兒傷寒病，瘕下有反張搐搦之態，故偶立驚風之名，亦猶方脈中之驚悸驚惕驚慌等類，初亦未嘗卽欲以此兩字示法來茲，而門人繼述不善，遂以驚字爲驚嚇之驚，風字卽驚字之變文。觀幼科書中，凡青爲風者，皆曰青爲驚，可知矣。謬謂小兒之病悉由驚而生風，誤以傷寒無汗之表證爲急驚，以傷風自汗之解肌證爲慢驚，以脾敗胃傷竭絕之證爲慢脾，妄立諸驚名色，眩惑後人，何嘗有一毫實際裨

於治療而諸家旋祖其術極力敷演亦不過隨波  
逐浪猜度摹擬初無理要可以服人是仲陽偶以  
一字之乖訛而後世受禍如此其烈也至於見證  
立名更爲舛謬如小兒傷寒病經外證有頭項強  
背反張目上視此金匱所謂能仰不能俯者屬太  
陽則稱天弔鵠眼目下竄卽金匱之頸項几几音姝  
海藏之低頭下視屬二陽合病則稱看地鵠兩脚  
掣跳海藏所謂肘膝相構屬陽明則稱馬蹄鵠兩  
手牽引海藏所謂左右搖擗屬少陽則稱彎弓鵠



傷寒病瘕誤用礮藥耗其津液而筋脈受傷遂致  
兩手拘攣已爲不治之證乃猶稱鷹爪礮虛證肆  
行攻伐乃致脾敗胃絕四肢羸曳奄奄待盡猶復  
稱撒手礮至於陰寒腹痛面青口撮口吐白沫曰  
鯽魚礮脾虛生熱舌絡緊急不時舔舌曰蛇絲礮  
蛔蟲貫膈大呌一聲卽昏悶不省曰烏鴉礮兒病  
作熱本爲常候曰潮熱礮食飲停滯胸腹飽悶曰  
膨脹礮更有諸多不通名項莫能枚舉夫已上諸  
證皆表裏寒熱分明證候顯然可據而若輩不究

病源妄立名色悉以驚字目之設也人病陽明內  
實踰垣上屋則將名飛天驚陰極發燥欲臥泥水  
中則將名擗地驚少陰昏沉嗜寐則將名瞋睡驚  
中消多食無厭則又名饗發驚平荒唐鄙野雖奚  
童饗婢有所不言而醫者公然筆之於書後人見  
其證皆驚證紋悉驚紋相與依樣葫蘆一倡百和  
以爲一遵古法誰曰不然不知論證可任其牽強  
而治療不容於假借如傷寒病瘕由風寒濕三氣  
合邪病在太陽陽明少陽與心驚肝風脾痰肺熱

風中牛馬若以爲驚風治之則無辜之心肝脾肺  
枉受剝膚而風寒濕外至之邪倏然磐石此豈有  
一可乎予欲爲之更改之以爲非易去驚風二字  
仍恐流禍無已將欲以瘕字瘕字易之又慮其不  
入俗因思幼科以搐掣名驚今卽以搐字易驚字  
屏去禍害之驚祛除籠統之風總名之曰搐庶不  
駭聽而又不失病瘕之本來後以急驚慢驚慢脾  
之八石堆易之爲誤搐類搐非搐之三寶後提攪  
墊溺穩步康衢將於是乎在焉何爲誤搐益傷寒

小兒最易由醫者治不如法抑遏其表邪莫能外  
解故壯熱不退遂爾變而爲瘧則有搐搦反張之  
候要知此證由風寒濕所致雖有身熱俱皆表邪  
非火熱之比且與內經諸瘧項強諸風掉眩諸寒  
收引之例恰正相符因剔出風寒二瘧歸於誤搐  
條下俾臨證者知爲傷寒病瘧不致有開闔鎮治  
之害何爲類搐蓋傷暑瘧痢咳嗽丹毒瘡痘霍亂  
客忤中惡其證顯然可見辨認旣明一藥可愈何  
至作搐由醫者遷延時日或抑遏邪氣無所發洩

問有變爲搐者搐非固有所以謂之類搐要知此證由火熱居多實非風寒惟咳嗽癰疾微兼表邪治者宜審今遵內經諸熱脊應皆屬於火之例共一十條總歸於類搐條下逐證註明各從本門爲治以免截風定搐之患何爲非搐蓋小兒大吐大瀉久病病後脾敗胃絕昏睡露睛虛痰來往此竭絕之證而幼科以爲慢脾風更以大驚卒恐神魂離散之證爲急驚風不知已上二證死生呼吸猶敢以驚風稱之耶因體東垣非風之意竟以非搐

名之使後人知此等證候全非風搐而治風治搐  
之法遠屏三舍庶可以保全竭絕而不致於夭扎  
無辜也以上三門逐證分晰其所用藥方一遵經  
旨罔敢立異要使幼科之證毫無遺漏而驚風二  
字不屏自却人鬼關豈徒打破行將化爲瓊樓玉  
宇矣

周虛中曰雄辭閎辨駁得諸家之言矯者無可置喙  
快極快極

○新立誤搐類搐非搐分門別證

一曰誤搖卽傷寒病瘳也蓋頭項強背反張目上視屬太陽低頭下視口噤不語手足牽引肘膝相搆屬陽明眼目或左或右而斜視手足或左或右而搯搯屬少陽此實三陽表證豈得混稱爲驚風瘳由誤致今故易名誤搖然瘳有剛柔治非一類以柔瘳列之於首剛瘳次之更詳其致瘳之由與治瘳之方總歸於誤搖條下證治井然有據明府當不以予爲妄也

柔瘳

傷風有汗爲柔風性軟弱也

經曰太陽病發熱汗出不惡寒者名曰柔痙。○其證初起發熱自汗口中氣熱呵欠煩悶手足動搖甚則反張由風邪傷衛榮衛不和小兒體弱者最多此證亦因腠理不密自汗無時所以風邪易入幼科見其多汗昏沉輒以慢驚稱之。按此條風邪傷衛本屬輕證若能早爲解肌調和榮衛藥到病起誤作慢驚妄投補劑其禍不可勝言矣。此即家所云慢驚溫補而不愈變爲急驚者卽此例也。剛痙傷寒無汗爲剛寒性剛勁也。



經曰太陽中風重感寒濕而變瘧。○蓋傷風原有汗。恐人不知。重衣厚被。令其大汗。汗多衣襖必濕。濕久寒生。滲注關節。故謂重感寒濕。寒濕內閉。反令無汗。是名剛瘧。其證初惡風寒。發熱頭痛。佯藏於母懷者是也。小兒口不能言。父母一時不覺。但見其發熱。不知其惡寒。但見其昏沉。不知其頭痛。醫者見其發熱滿口。稱爲驚風。置傷寒表裏於不問。惟事鎮墜涼瀉。抑遏其表邪。不能外出。必致延及於三陽。

太陽傳陽明  
陽明傳少陽

所以有身熱足冷。頸項強

急頭身俱熱而目紅赤獨搥頭卒口噤背反張手足搐搦眼目斜視此則三陽經之全瘧幼科所稱四證八候者卽此也斯時正宜循經用藥解去三陽之邪其病霍然而起倘舍此不圖邪必自三陽而入於三陰發熱腹滿四肢僵攣能俯不能仰已成陰瘧凶危之候猶以慢驚風稱之風藥亂投死將旋踵哀哉

此卽前諸家所云急驚涼瀉而不愈或與吐下藥太過變爲慢驚者卽此

例也

按傷寒之來豈初日便能變瘧由醫者誤治致之

耳、蓋邪自太陽而入、太陽之脈上起於頭中行於背、下至於足、因其經脈受邪、榮衛滯滯、則頭項背足皆有痛楚牽強之象、幼科見此、便詫爲驚風、妄行鎮墜、以致邪無所伸、而後乃變爲癰、此際尙不知爲誤治所致、而反謂小兒固有之證、此其所以爲誤中之誤也、嘗觀夏初明治小兒作搐而死、以至三五日不醒者、悉用天保采微湯投之、而愈、其子禹鑄廣傳其方、惜無一字發明之、致後人莫繼其義、予不辭僂舌、聊爲刮露、夫天保采微湯乃敗

毒散不換金正氣散升麻葛根湯三方合湊者也  
其中作用以羌獨走太陽而祛寒發表以蒼前升  
葛陳樸甘苓走陽明而除濕解肌以芎柴入少陽  
而和解表裏以桔半枳藿芍藥入太陰而和榮逐  
飲或問旣爲三陽表藥何以輒及於太陰曰小兒  
全藉脾肺爲行藥之主此實扶中氣以托邪豈引  
邪入裏之謂耶然其中一十七味並非五金八石  
三黃四神而能於死中求活者豈疎解之藥可以  
起死回生乎由從前誤以傷寒作礪治未經發散

以致邪閉而死今投疎解以生者亦不過爲從前  
補其闕失耳豈有奇特深義哉第此等之治猶爲  
末着若早循經治療又何至如是凶危始效獵人  
之羅網四張希度幾乎一遇苟如鄙刻所集一見  
小兒發熱昏沉卽爲之分別有汗無汗有汗者解  
散肌邪無汗者開通榮衛領邪外出神志自清又  
何有閉塞昏迷之變耶

附血虛寒醲太陽病瘕案

周虛中曰張景岳有云太陽血少者多有戴眼反張

之證俗醫稱爲驚風誤矣蓋太陽經脈起於目內  
眥上額由後頸下背脊至足小指凡有血虛不能  
榮養經絡者一着寒邪則收引而急縮理固然也  
時俗不察往往以豁痰截風之劑耗其血液豈不  
悖哉此景岳之特見也予憶往者張乃媛年

五六歲體極瘦削一日羣坐忽然顛倒作反弓狀  
自言樓上有鬼眼目翻騰見白而不見黑幼科羣  
集作驚風治不效已經三日矣觀其人之骨露筋  
浮明係太陽少血況樓爲枯木鬼屬陰邪亦係寒

氣傷榮所致、乃遵景岳之言、與

道翁先生相商確、用厥陰門中當歸四逆湯爲主、甫  
投一劑、黑睛稍現、反弓之狀亦減、於是連進三服  
而安、又姻翁高 乃妾冬、月擁爐向火、忽然背

筋抽引作痛、頭足變後、四肢厥逆、眼皮吊起、不能  
下、亦用前湯倍加當歸、大劑煎服、一劑而痊、可見  
先生之力、闢驚風確乎不謬、而太陽之痊、又有血虛  
體弱之不同也

痊有剛柔、剛痊無汗、柔痊有汗、小兒剛痊少、柔痊

多而且肌膚薄腠理疎不勝發表惟宜解肌治瘧  
當以金匱爲主、柰金匱之方未敢輒用而世人亦  
不能用、今之所選、獨海藏五方金匱一方雜選一  
方附血虛寒襲一方以爲嬰兒病瘧之準則、其隨  
機應變又在後賢神而明之、予又何敢限量、

○入方

海藏桂枝葛根湯

治傷風項背強身熱自汗柔痙此蓋邪在太陽微  
兼陽明、用此方通其榮衛、則外受之邪有出無入



其所全甚大、

嫩桂枝

錢一

白芍藥

錢五

粉乾葛

錢五

老生薑

錢一

大紅棗

錢三

炙甘草

錢一

水煎熱服仍欲微似有汗、瘧風邪自出、而汗孔自

閉、但不可令其大汗、致傷榮氣、

海藏桂枝加川芎防風湯

治發熱自汗柔瘳、比前方藥性微輕、

嫩桂枝

錢五

白芍藥

錢二

北防風

錢一

正川芎

錢一

老生薑

錢一

大紅棗

錢三

炙甘草

錢一

水煎熱服

予按此方不特治瘧凡小兒外感初起發熱不論有汗無汗皆宜用之效捷桴鼓人所未識

海藏柴胡加防風湯

治汗後不解不靜不躁目直視口噤往來寒熱此證太陽陽明已罷邪尚未解傳入少陽半表半裏故以小柴胡湯加防風和解之不使之入裏也

官揀參

七分

北柴胡

錢一

片黃芩

錢一

製半夏

錢一

北防風

錢一

炙甘草

五分

老生薑

三片

大紅棗

一枚

水煎熱服

海藏防風當歸湯

治發汗過多發熱頭面掣卒口噤背反張者太陽  
兼陽明也宜去風養血速救陰榮以靜勝燥也

北防風

錢五

當歸身

錢二

正川芎

錢一

大生地

錢五

淨水煎熱服

金匱瓜蒌根桂枝湯

治太陽頭痛身熱身體頸項俱強無汗爲剛瘧此  
卽先因傷風自汗汗多衣濕濕久寒生反而入內

故謂重感寒濕寒濕內閉反令無汗故見以前諸證此榮衛閉寒也設不用此通其榮衛則未瘳者成瘳已瘳者難愈矣

瓜蒌根

錢五

嫩桂枝

錢一

白芍藥

錢五

老生薑

錢一

大紅棗

枚三

炙甘草

錢一

水煎熱服榮衛既和微汗而解

予按小兒發熱身體頸項俱強在幼科必以為驚風矣孰肯認為太陽陽明之病瘳而用此開通榮衛之方若早知為傷寒能用此方則未瘳者不瘳

已瘳者可瘳其如偏執驚風舍太陽陽明之邪而不治反攻其無過之心火肝風致令外邪愈強內氣愈弱不至於死地不止也

凡小兒傷寒無汗者不論已瘳未瘳皆當以此方爲主出入加減斷無不效之理子非親履實踐心不敢妄言以誤世也

### 羚羊角散

治剛瘳身熱無汗頭項強直四肢疼痛煩燥心忪睡臥不寧

羚羊角

屑

真犀角

屑

北防風

白茯苓

陳枳殼

大麥冬

去心

官揀參

粉乾葛

北柴胡

熟石膏

炙甘草

以上各七錢五分

真龍齒

煨二錢五分

右研粗末每用三錢水一盞煎至半盞去渣溫服

不拘時

予按此證先由風寒濕閉其腠理不能開通內出之氣壅而爲熱則風寒濕不能自強皆化而爲熱矣尙在肌肉之間猶未入裏故以辛涼解散之實

治熱也、非治風寒濕也、嘉言謂此方治傷寒陽  
瘕、深得清解之法

海藏附子散

治陰瘕、手足厥冷、筋脈拘急、汗出不止、頭項強、  
瘕、頭搖口噤、此由多汗亡陽也、

青化桂

七分

川附片

七分

漂白朮

五錢

正川芎

一錢

川獨活

八分

大紅棗

五枚

水煎溫冷服

當歸四逆湯

治小兒血虛體弱寒邪傷榮以致眼目翻上身體反張蓋太陽主筋病故也

當歸身

嫩桂枝

杭白芍

以上各三錢

川木通

炙甘草

以上各二錢

北細辛

一錢

大紅棗

五枚

水煎熱服

已上所選之方原爲誤搐病經而設其下類搐十條證候不同各隨本門用方不得與誤搐混同論治

一曰類搐卽幼科所云驚風餘證者是也原非小兒



固有由遷延而致予故名爲類摘何以言之蓋暑  
證癰痢咳嗽丹毒瘡痘霍亂客忤中惡其證顯然  
可見但能識證詳確則一藥可愈醫者審視不的  
藥罔對證遷延時日其熱愈甚小兒陰血未充不  
耐壯熱熱盛則神志昏悶陽亢必津液受傷血不  
榮筋則手足搐掣此正與內經之諸熱瞤瘛音人  
事昏悶也瘛音皆屬於火之例相符概將以下十  
證皆列類摘條下仍逐證註明各依本門用方庶  
與誤摘非摘之寒熱虛實治不相淆矣

者證

經曰太陽中熱暈是也○其證初起面垢身熱自汗煩躁不安唇舌皆赤氣出如火小便赤濇口中大渴此證常見夏秋

按此條在藜藿之兒多有之以其坐臥烈日之中澡浴寒澗之內以致暑氣入裏內熱外寒故見已前諸證醫者見其身熱自汗口渴煩燥疑爲驚風妄用風藥反燥其血以致心中噎悶昏不知人甚則反張搐搦皆出血不榮筋煩熱過甚之故也若

膏粱之兒不涉長途不經酷日暑證尙少何有暑風若謂高堂廣廈口飡生冷身納風涼而得之者卽傷寒之類又何暑之可稱

古人謂暑傷心其實心不可傷傷之必死蓋心爲君主之官虛靈湛寂神性居之邪不易犯止因六氣之中以暑配君火故曰暑傷心然所犯者心包絡耳包絡爲心之宮闕捍蔽外邪不容輕侮惟由暑熱推撼外郭故神志爲之昏惑但瀉其太陽內火則少陰君主神志自寧矣宜却暑丹

○入方

却暑丹

治小兒傷暑誤用風藥致心神昏悶煩燥不安甚則搖擲

漂白朮

錢五

白茯苓

錢五

紫猪苓

錢五

宣澤瀉

錢五

青化桂

錢二

片黃芩

錢五

正川蓮

錢三

鏡辰砂

錢二

炙甘草

錢五

右爲細末煉蜜爲丸如芡實大每服二三丸量兒大小加減麥冬湯化服或十中取一煎服亦可

瘧疾

經曰夏傷於暑秋必瘧。○其證初起呵欠顫悶發熱口渴面帶黃白頭額有汗一哭汗出其熱漸退二三分不久復熱如故喉內痰鳴一哭卽嘔嘔則痰出每日如此者卽瘧證也

按內經謂十二經皆有瘧究其所因而大要不離乎少陽膽經夫瘧之不離乎少陽猶咳嗽之不離乎肺也蓋凡寒熱往來總爲少陽所主早能和解表裏分理陰陽則瘧邪霍然而散出其悞認驚風

輕施鎮墜以致正邪激搏榮衛遲留陽欲入裏陰  
內阻之陰欲出表陽外遏之少陽欲升不得升太  
陰欲降不能降乃致神情憤亂臨臍而搐宜清脾  
飲解之其搐自止

○入方

清脾飲

治小兒熱臍作搐不必治搐惟治其臍

杭青皮

錢一

製半夏

錢一

枯黃芩

錢一

艸萊仁

五分

白雲苓

錢一

北柴胡

錢一

真陳皮

錢一

漂白朮

錢一

川厚樸錢一

炙甘草五分

生薑三片大棗三枚水煎熱服

痢疾

經曰飲食不節起居不時陰受之則入五臟下爲  
殄泄久爲腸澼○其證初起兩脅皴而多啼由腹  
痛也煩燥不安由裏急後重也數至圜而不能便  
或赤白相兼或單紅單白是其候也

按此證雖曰內傷飲食莫不由於外感而發也有  
至妙之治人所不知但以人參敗毒散升散之其

曉明按一  
當作二下  
同

病卽減設有食飲停滯輕則消導之重則疎通之  
去其積垢無不愈者昧者不察反投柯薏止瀉之  
乃致積毒內鬱腹痛裏急欲圖不能此通因通用  
之證而反通因塞用遂爾神昏擾攘者有之矣急  
用沆瀣丹三仙丹二藥同服疎通之後其病自去

○入方

集成沆瀣丹

方見一卷胎疾門

集成三仙丹



治小兒縱口飲啖食物過多有形之物填塞腸胃  
之間不能轉運傳送脾氣抑鬱所以發熱不退眼  
閉難開人事昏沉四肢攤軟儼然虛極之象古人  
謂大實有羸狀卽此證也昧者以爲虛證而峻補  
之或疑爲驚風而鎮墜之百無一救速以此九同  
沈瀝丹同服待其下後人事卽清予救治旣多剖  
心相告 痢疾誤用瀉藥閉其濕熱比食物有形  
之塞殆有甚焉速宜下之不下卽死

五靈脂

一兩

南木香

五錢

巴豆仁

四十粒

右將靈脂木香研爲細末聽用以巴豆剝去殼取  
淨肉四十粒去其肉上嫩皮紙包水濕人慢火中  
煨極熟取起另以綿紙包之緩緩搥去其油紙濕  
則另換以成白粉爲度謂之巴霜與前二味和勻  
醋打麪糊爲丸菉豆大以硃砂爲衣晒乾收貯每  
服五丸或七丸九丸量兒大小加減合沆瀣丹二  
三丸同研爛茶清調下待其下後其病立愈此起  
死回生之藥勿以常方視之

咳嗽

經曰咳嗽上氣厥在胸中過在手陽明太陰○其證初起面赤唇紅氣粗發熱咳來痰鳴或服胞微浮額上汗出此外感風寒急宜疎解

按咳嗽致搖其證嘗少蓋外感以咳嗽爲輕內傷以咳嗽爲重大凡春溫夏熱秋燥冬寒四時正病與平時行疫癘卽至重至危之候但有咳嗽便是生機蓋外感一傳手六經斷不致死故謂外感以咳嗽爲輕至於酒色在且之輩平素嗜慾不節耗費過傷但逢咳嗽卽爲可慮倘治不如法則虛勞

肺痿跛足而待故謂內傷以咳嗽爲重嬰兒知識未開內傷何有所有咳嗽無非寒熱二者而已矣寒固傷肺熱亦傷肺醫者能的辨其寒熱對證用方效無不捷其如不識陰陽罔分寒熱應辛散者而反涼濕應滋潤者反用升浮乃致寒者愈寒燥者愈燥欲不聲音不轉眼翻手搐其可得乎治宜集成金粟丹

○入方

集成金粟丹

此丸專能疎風化痰、清火降氣、併治咳嗽、上氣喘急、不定、嗽聲不轉、眼翻手搐、凡諸家截風定搐之方、皆不及此方之聖、倘前醫用藥不當、誤而致搐、昏沉不醒、卽以全身燈火醒之、用此丸一服、卽痊。

九製牛膽南星

二兩

明天麻

一兩薑汁炒

節白附

一兩

全上

淨全蝎

揀去尾足、以滾湯泡淨、去其鹽泥、曬乾、一兩炒

明乳香

去油

淨一兩

代赭石

火煨紅、以好醋淬之、煨七次、淬七次、研細末、以水飛、曬乾、一兩

直僵蠶

炒去絲、一兩

赤金箔

五十張

真麝香

三分

梅花片

三分

神明按此  
玉箱裏也

其爲細末煉蜜爲丸。皂角子大。貼以金箔。每用一  
九。薑湯化服。此方比抱龍金液保命至寶定命等  
方。功倍十百。惟虛寒之痰。無根之氣。絕脫之證。不  
可用之。以其降令重也。

製南星法 用生南星半觔。研極細末。盛於碗內。

取牛膽一枚。傾出膽汁於碗內。將南星末和勻。仍

復裝入膽皮之內。懸有風無日之處。俟其陰乾。有

膽之時。將前膽剖破。取出南星。研末。仍以膽汁和

勻。裝入懸之。能裝過九膽。誠爲至寶。任彼真正牛

黃莫能及此、且今之牛黃切無真者、若市肆膽星一膽而已不可用、

### 丹毒

千金曰丹毒一名天火、皆風熱惡毒所爲、入腹則殺人。○其證由心火熾盛、熱與血搏、或起於手足、或發於頭面胸背、遊移上下、其熱如火、赤如丹砂、形如錦紋、其痛非常、凡自胸腹而散於四肢者、易治、自四肢而入腹者、難治、

按丹毒雖曰風熱、而由胎毒之發者、十之八九、小

兒屍多方脉無此世有丹毒傷生而不知者蓋此  
毒每發於隱密之處倘父母不覺遂致傷兒大凡  
小兒頭面四肢胸背脇腋忽有紅暈一點漸次散  
開色如錦紋外滯黃色卽是火丹速宜砭去惡血  
內服沈瀝丹庶不致內攻作搐倘醫者不知針砭  
妄用搽敷過毒入內必致作搐而死每見丹毒之  
禍兒者比比矣

○人方

集成沈瀝丹



方見一卷胎毒門

磁鋒砭法

法見四卷丹毒門

瘡癰

經曰諸痛癢瘡瘍皆屬心火○按瘡癰疥癬小兒  
獨多由胎毒滯火使然也治之者宜清熱解毒使  
之外出可也倘醫者視爲沘常不先內托解毒誤  
用砒硫毒藥搽之逼毒內入以致瘡忽自平其證  
腹脹便閉身無血色目閉不開手足動掣此毒氣

內攻也

此條與方脉之發背癰疽偶傷風濕而手足搖擻  
角弓反張者大不相侔蓋彼因誤傷風濕而病痿  
此因誤用擦敷而致搖病因不同治宜各別速服  
雄黃解毒丸微下之瘡出則吉瘡不出加喘者死

○入方

雄黃解毒丸

治瘡瘍毒氣內攻腹脹便閉身無血色目閉不開  
併能解一切瘡疥之毒更可下痰追蟲打積

明雄黃一錢

川礬金二錢

巴豆霜一錢

右爲細末醋打米糊爲丸菴豆大每服三五丸白湯送下以利爲度

痘瘡

痘稟先天胎元之毒遇時行而即發其證初起兩眼含淚珠如水晶鼻氣出粗睡中驚惕兩耳紋現惡熱不惡寒痘證也

按初起發熱三四日間應與疎通腠理微解表邪使毒氣易出若不行疎散以致腠理固閉熱盛神

昏而搐矣此常候也先宜人參敗毒散升散

川導赤散加硃砂以制其猖獗痘出則吉屢

凶收靨後作搐此痘毒倒陷雄黃解毒丸紫艸

湯下痘復出者吉搐不止者凶

五

卷痘疹門論證

最詳宜攷

○入方

人參敗毒散

治四時感冒併痘疹升散之川

川羌活

七分

川獨活

五分

北柴胡

五分

信前胡

四分

正川芎

五分

白雲苓

五分

真枳殼

五分

牙桔梗

五分

上揀參

三分

炙甘艸

四分

薑一片棗一枚水煎熱服

導赤散

此清心經之熱從小便而出

大生地

三錢

川木通

二錢

生甘草

一錢

右作一劑竹葉七片爲引水煎臨服加硃砂末一

分調服

雄黃解毒丸

方見先條瘡瘍門

○附案

潞陽文庠立天張君有子三歲於今春布種神痘一  
夕作搐十數次痘師某者坐守其家莫能得定次  
早微明張君來寓叩門因訴其作搐之由予念故  
人之子往視之見其昏迷不醒手足搐掣各處艾  
火疤無數問所服藥一派涼瀉予知其誤治乃以  
全身燈火醒之卽能開聲因用人參敗毒散令其  
母子同服一劑而搐止痘出可見理之未明毫釐

千里蓋痘麻初起全賴陽和升生之氣故發熱本爲正候由其不與疎通腠理毒鬱不伸乃致作搐此時正宜升散助其生機顧乃反用艾火堵截之用涼藥鎮墜之欲其搐止其可得乎是幼科礪風之說皆此輩釀成之禍於患者何有焉

霍亂

經曰足太陰厥氣上逆則霍亂○其證先傷於食後感風寒邪正相爭心腹絞痛有上吐下瀉者有上下得吐下不得瀉者所以煩燥悶亂其證最急

速宜鹽湯探吐之俟其吐瀉之後乃用藿香正氣散分理其陰陽可也但見喘而搐者不治

按此乃乾霍亂也俗名絞腸痧由其上不得吐下不得瀉所以神情昏亂若上既能吐下既能瀉則宿食痰飲俱去安有昏亂之理若曰大吐大瀉之後而見昏憤此卽脫證之例豈作搐之謂耶看書若止隨文解義則執一不化皓首無成然此猶爲中人言之也至有全不知書道聽途說訛訛相指以致於誣民惑世者此類醫中儘多昔人謂巫者



多病集  
對本宜科教風掃地予謂巫者猶能對本宜科而  
醫中之不肖者即欲宜科更苦於無本可對然則  
醫風之掃地不殆有甚乎

○入方

鹽湯探吐法

法見二卷霍亂門

藿香正氣散

治內傷脾胃外感風寒吐瀉霍亂等證

藿香梗 家蘇葉 大腹皮 真廣皮 牙桔梗

白雲苓

法半夏

六神麴

香白芷

已上各二錢

川厚樸

炙甘草

各五分

右作一劑生薑三片大棗三枚水煎溫服

客忤

小兒客忤由兒真元不足神氣未充故外邪客氣得以乘之經曰邪之所湊其正必虛不治其虛安問其餘忤者謂外來人畜之氣忤觸其兒之正氣也或因生人遠來或因六畜暴至或抱兒戲騎牛馬或父母騎馬遠歸未及熏衣卽抱其兒則馬汗

不正之氣從鼻而入經曰五氣入鼻藏於心肺則正氣受忤此外因之客忤也其證口吐青黃白沫面色變異喘急腹痛反側不安手足噤瘳第此證神不昏亂爲異耳治宜塗顙法搐鼻法內服撮生飲

復有內因客忤或兒平日所喜者乃戲而奪之平日所畏者乃戲而恐之凡親愛之人喜食之菓玩弄之物心之所繫口不能言一時不得遂逆其心志其候昏昏喜睡寤不惺惺不思乳食卽其證也

宜先順其心意內服沉香安神丸併惺惺散

○入方

塗顙法

前治客忤等證

竈心土

一錢

明雄黃

五分

真麝香

半分

共爲細末棗肉和勻捏作一餅子照顙門寬窄爲  
樣以餅貼顙止取艾絨作豆大一粒灸三炷卽止  
摘鼻法

治傷風傷寒頭目不清併治客忤

正川芎

藿香葉

鮮藜蘆

各二錢

玄胡索

粉丹皮

鏡辰砂

飛各二錢

其爲極細末以少許吹鼻中得嚏則邪氣出矣

攝生飲

治一切卒中大小科同

制南星

南木香

法半夏

各錢半

北細辛

漂蒼朮

石菖蒲

炙甘草

各一錢

右作一劑生薑三片水煎熱服

沉香安神丸

治內因客忤

官揀參

一錢

漂白朮

真廣皮

陳枳殼

牙桔梗

青礞石

煨各五錢

炙甘草

上沉香

各一錢

鏡辰砂

飛一錢

真川連

五錢

共為細末蜜九芡實大每一二九麥冬湯下

惺惺散

方見二卷乳子傷寒門

中惡

此證比之客忤為更甚寒無客忤無非外來人箇不

正之氣中惡則中惡毒之氣如老柩腐屍淫祠古  
樹冷廟枯井敗屋陰溝皆有惡毒之氣存焉小兒  
觸之從鼻而入肺先受之閉其清道填塞胸中忽  
然而倒四肢厥逆兩手握拳上氣喘急者是也

復有中惡毒之物者亦謂之中惡如茵蓴河豚蠃  
牛疫馬自死六畜併水鷄蝦蚌之類自口而入則  
腸胃受之故心腹刺痛腹皮青黑悶亂欲死前後  
二證俱宜霹靂散搐其鼻令其噴嚏之後毒氣已  
出然後用藥前證中毒氣死者用返魂湯此中毒

物死者用雄黃解毒丸下去之

○入方

霹靂散

治中惡卒死併一切卒暴之證

猪牙皂

三分

北細辛

五分

大川芎

五分

香白芷

五分

躑躅花

半分

明雄黃

二分

真麝香

半分

右爲極細末每用少許以燈心三寸長蘸藥點鼻

孔內以得噴嚏爲驗

返魂湯



治中惡卒死宜此主之卽仲景之麻黃湯也因其  
毒氣閉塞肺竅以此開通之

淨麻黃

去節二錢

光杏仁

去皮七個

炙甘草

一錢

葱白三寸水一盞煎半盞分數次服

雄黃解毒丸

方見二卷類摘瘡瘍門

一曰非摘

卽幼科之慢驚風慢脾風者是也

按幼科有言曰急驚傳慢驚慢驚成慢脾慢脾者

純陰之證也。然慢驚亦有虛熱。嘗多便秘。痰壅氣塞。便誤認爲實熱。妄用巴黃。以下痰行便。或妄投腦麝。以通竅涼臟。致使陰氣愈張。陽氣愈弱。卒不死而成此證。又有一名虛風。因吐瀉日久。風邪入腸。乃大便不禁。面色虛黃。脾氣已脫。真元已虧。繼此發熱。卽是慢脾。此不必皆由急驚傳至。男子以瀉得之爲重。女子以吐得之爲重。其候面青舌短。頭低眼合。吐舌咬牙。聲音沉小。睡中搖頭。四肢微搐。冷而不收身。則有冷有熱。痰涎凝滯。神志昏迷。

沉沉喜睡、逐風則無風、可逐、瘳驚則無驚、可瘳、乃至重之候、十難救一二也。治法大要、生胃養脾、回陽益志、鎮心定魄、化痰順氣。若眼半開、半合、手足不冷、二便瀦瀦、此尙有陽證、須溫化和痰理氣、不可卽用回陽。然亦不可因陽證而用清涼之藥。此僅虛火往來、會成如陽證耳。在幼科所論者如此。見此等辨論、娓娓其辭、自相矛盾、乖誤多端。惟有拊膝長噓而已。孰料幼科謬劣一至此哉。旣知慢脾爲純陰之證、又誤以慢驚之虛熱作實熱、誤下

痰誤通竅，局致變爲慢脾。又有因吐瀉日久，風入腸胃，大便不禁，面色虛黃，脾氣已脫，真元已虧，繼此發熱，卽是慢脾。如此之候，卽應急救真元，維持竭絕，何得以眼之半開半合，手足不冷，二便澹滯爲尙有陽證，不可卽用回陽。吁！此淺近之理，猶且未明，而尙欲立言傳世乎！蓋眼之半開半合，名爲昏睡露睛，此脾胃兩傷，敗極之證，安得目爲有餘。手足爲諸陽之本，四時皆宜溫和，今手足不冷，猶幸有一絨微陽牽引接續，尙未至於厥逆，豈可謂

之陽證二便瀇滯由其氣血傷敗大腸枯焦無以  
滋榮傳送又豈裏實便秘之比哉此等之證治之  
得法尙可挽回而乃稱爲陽證爲之順氣化痰豈  
眼之半開半合手足不冷二便瀇滯果爲陽熱有  
餘耶抑由痰凝氣滯耶不然化痰順氣將焉用之  
嗚呼幼科淺陋莫可挽救凡小兒有熱不辨表熱  
裏熱虛熱實熱陽浮作熱陰極發躁一槩稱爲陽  
火今慢脾之熱無非純陰之證真陽被逼不能存  
貯浮越肌表散漫無歸亡在頃刻卽急爲收攝歟

納猶慮不及而反謂之陽證必欲其口鼻無氣兩  
眼不開四肢冰雪二便長流始可謂之陰證乎立  
言者見地如斯繼述者自可知矣予故於此等之  
證以非摘名之使知一意挽救不用猜度且亦不  
須細辨請以幼科夏禹鑄之言以明斯證之誤亦  
可見予言之不虛也

夏禹鑄曰世人動曰慢證予獨曰慢證蓋此證多成  
於大病之後庸工一見病愈遂不防守去路或初  
誤汗誤下吐瀉久而脾胃虛極故成慢證慢字緩

曉明按傘  
字典俗字  
字樣也音  
女居切

字雖對急字而言然所以成此證者亦由於父母  
怠慢之故或有汗多不止者聽之吐瀉不止者聽  
之以致汗多亡陽吐久亡胃瀉久絕脾成難起之  
證故曰慢證慢證何驚之有以慢證而云驚皆屬  
庸醫見兒眼翻手搐握拳形狀似驚故以驚名之  
一作驚治或推或拿或火是猶兒已下井而復落  
之以石也慢證者脾虛也眼皮屬脾脾敗故眼皮  
不能緊合而睡則露睛虛則脾失元氣故兩目無  
神而漂汎脾敗則枯涎無統故凝滯咽喉而有牽

鋸之聲手足爲脾胃所司、脾胃敗故四肢厥冷、虛  
必生寒、寒則大便瀉青而小便清利、便知爲慢脾  
之候、若療驚則無驚、可療祛風則無風、可祛除痰  
則無痰、可除解熱則無熱、可解惟脾間枯痰虛熱  
往來耳、治此或以六君子湯加炮薑、或理中湯加  
附子

此夏氏之見、超乎流俗、申明慢驚慢脾一皆竭絕  
之證、而療驚祛風除痰解熱之治、毫不可用、先得  
我心之所同然者、今以夏氏所云吐瀉脾敗之證



列之於前、復以景岳所云大驚卒恐、次之歸於非  
搐條下、以見此等之證、總非風搐、庶不乞靈、願願  
枉害無辜也、以上治法、悉依夏氏張氏原方、予母  
容復贅

吐瀉

經曰少陽所至爲涌嘔、又曰春傷於風、夏生瀉  
泄○其證先傷乳食、後感風邪、乃致脾胃受傷、吐  
瀉不止、漸至遍身四肢口鼻俱冷、手足微掣、昏睡  
露睛、蓋小兒全賴乳食以爲命、吐多則乳食不入

瀉多則乳食不藏吐則傷氣瀉則傷血乳食既絕  
氣血復傷速救真元以免竭脫

○入方

六君子湯

治小兒吐瀉之後脾胃大傷或大病之後不思乳  
食一切久病中氣虛寒並皆治之

官揀參

錢一

漂白朮

錢二

白雲苓

錢五

法半夏

錢五

真廣皮

錢五

炙甘草

錢一

四肢厥冷加炮薑甚者

加附子

錢五

手足摘掣加青化桂七分鉤藤一錢

右作一劑煨薑三片紅棗三枚粳米一撮水煎溫服

理中湯

方見二卷乳子傷寒門

○大驚卒恐

幼科以此爲急驚故詳辨明之

張景岳曰小兒忽被大驚最傷心膽之氣內經口問篇曰大驚卒恐則氣血分離陰陽破散經絡厥絕脈道不通陰陽相逆經脈空虛血氣不次乃失其常此內經槩言受驚之病有如此矧小兒氣血尤

非大人之比若受大驚卒恐則其神氣失散憤亂  
不堪尙何實邪之有斯時也收復正氣猶恐不暇  
顧可復爲清散耶卽如硃砂琥珀之類不過取其  
鎮墜之意亦非救本之法今幼科諸書皆以大驚  
之證例作急驚誤亦甚矣不知急驚由於風熱慢  
驚由於脾腎之虛皆不必由驚而得余之千言萬  
語闢除驚風  
只消景岳二十三字便以道盡後賢若肯  
於此數語體認更不必予之瑣瑣於斯也而此以  
大驚致困者本乎心膽受傷神氣陡離之病當以  
收復神氣爲主宜秘旨安神丸團參散獨參湯之

類加金銀等物煎服之

○入方

秘旨安神丸

原治心血虛而睡中驚惕并治大驚卒恐

官揀參

淨棗仁

白茯神

法半夏

已上各一錢

大當歸

杭白芍

小檳紅

各七分

北五味

七粒

炙甘草

五分

右爲細末煉蜜爲丸如芡實大每服一九生薑湯化下

團參散

治心虛血熱目汗盜汗并治大驚卒恐

官揀參

白當歸

等分

右爲細末用臘猪心一個切作三片每以藥末一錢用猪心一片煎湯調服

獨參湯

治氣虛氣脫神散魂離以此亟救元陽草還丹之名誠不愧也

官揀參不拘多少同炒米煨薑紅棗濃煎湯徐徐

服之實有起死回生之力

或曰傷寒病瘧與非瘧二條不可用礪風之治已聞命矣而類瘧十條既爲火熱何以不用礪風門中截風定搐涼瀉鎮墜之法治之此何意也曰暑瘧嗽痢痘霍亂丹痧病雖不一而瘧由病致發尋其源治其病而瘧自止若不去病而用截風定搐涼瀉鎮墜之治仍抑遏其病邪非但瘧不能止必致變生他證醫者復不察其本病未去疑爲礪風證重藥不去病而用毒劣劫奪之者每見治礪風愈

治愈危乃致不收者皆此弊也。曰由談驚風而得治病求源之要誠至論也。請筆之以爲來學式。已上誤搐類搐非搐證其二十四條卽幼科之急驚慢驚慢脾者盡止於此。業已條分縷晰逐款逐條註明矣。臨治者常知各證之病源有別而治療之攻補自殊不得復以急驚慢驚慢脾混同立論而以截風定搐之死法統治之。從前未經剖露猶謂陷於不知今已證治判然惟祈後賢留心討論神而明之醫稱仁於是乎不相遠矣。



附小兒時疫證治

吳又可曰凡小兒感冒風寒痧痢等證人所易知一染時疫人所難窺所以耽悞者良多蓋幼科詳於痘疹吐瀉驚風併諸雜證在傷寒時疫甚略之一也古人稱幼穉爲啞科蓋不能盡罄所苦以告師師又安能悉夫問切之義所以但知其身熱不知其頭疼身痛但知其不思乳食心胸膨脹疑其內傷乳食安知其疫邪傳胃也但見嘔吐惡心口渴下利以小兒吐瀉爲常事又安知其協熱下利也

又何暇致思爲時疫二也小兒賦質嬌怯筋骨柔脆一染時疫延捱失治即便兩目上吊不時驚搐肢體發痙十指勾曲甚則角弓反張必延幼科正合渠平日學習見聞之證因多誤認爲慢驚風遂投抱龍丸安神丸竭盡驚風之劑轉治轉劇因見不啼不語又將神門眉心亂灸艾火雖微內攻甚急兩陽相搏如火添油死者不可勝計深爲痛憫今凡遇地方疫毒流行大人可染小兒獨不可染耶但所受之邪雖一因其氣血未足筋骨柔脆故

所現之證爲異耳務宜求邪以治故用藥與大人  
彷彿凡五六歲以上者藥當減半一二三四歲者  
四分之一可也又腸胃柔脆少有差誤爲禍更速  
臨證尤宜加慎

### 太極丸

凡疫癘流行之時小兒作熱卽是時疫下有眼目  
上竄角弓反張手足搐掣不可誤認驚風但以時  
疫治之自愈

天竺黃

錢五

膽南星

錢五

酒大黃

錢二

直殭蠶

錢三

真麝香

二分

梅花片

二分

共爲細末端午日午時修合煉蜜爲丸如芡實大  
硃砂爲衣凡遇疫證薑湯化服一九神效

○癇證

錢仲陽曰小兒發癇因氣血未充神氣未實或爲風  
邪所傷或爲驚怪所觸亦有因妊娠時七情驚怖  
所致若眼直目窵口噤流涎肚膨發搐項背反張  
腰脊強勁形如死狀終日不醒則爲瘈矣按仲陽  
之說亦明知有瘈病而謂終日不醒者爲瘈不知

瘕病爲三陽表證據幼科所稱驚癇爲心肝脾肺  
之裏證今反以表病腑病爲重裏病臟病爲輕經  
脉行於皮膚肌肉者爲重經行脈于內臟貫膈者爲  
輕邪傷傳導之府爲重邪傷神明之臟爲輕顛倒  
背謬令人不解仲陽尙爲此言又安保後人之不  
訛傳也

萬密齋曰癇者卒然而倒四肢強直目閉或眼珠翻  
上不轉口噤或有咬其舌者口中涎出或無涎者  
面色或青或白面色或青或白後賢仔細着眼或作六畜聲其狀

不一乃小兒之惡證也昏暈一時卽醒如常矣其  
發也或以旬日計或以月計或以歲計古人有三  
癰五癰之名證治太多似無一定之說故後學不  
知其所從也凡治癰之法幼科所載其方甚多而  
無可取者惟予家秘新方名斷癰丸誠治癰之神  
方也

予按審齋之說不爲無見乃私心竊喜賴有斯人  
爲之砥柱及攷其斷癰之方則皆寒涼攻伐鎮墜  
毒劣之藥予又以爲不盡然焉夫癰者癰疾也非

暴病之謂亦由於初病時誤作驚治輕施鎮壓以致蔽固其邪不能外散所以留連於膈膜之間一遇風寒冷飲引動其痰倏然而起堵塞脾之大絡絕其升降之隧致陰陽不相順接故卒然而倒病至於此其真元之敗氣血之傷瞭然在望挽之不能猶認作此中之邪無異鐵石非攻堅破壘不足勝其冥頑嗚呼以嬌嫩虧歉之體而猶入井丁豈司命慈幼之心哉因錄原方以正其惑

斷癰九

此方重墜寒涼  
毒劣用之增困

川黃連 青礞石 石菖蒲 辰硃砂 蚌珍珠

鐵華粉 膽南星 白甘遂 上沉香 白茯苓

別以人參一錢白朮三錢煎湯煮糊爲丸猪心湯

下

通心丸

本非心病何用通心  
伐及無辜未可爲訓

辰硃砂 馬牙硝 明雄黃 真麝香 白附子

陳枳殼 正川芎 白茯苓 揀人參 川黃連

金銀箔 蜜丸麥冬湯下

此卽所謂斷癰丸也予謂此等之見似未離乎幼科



習氣夫病至於癰非稟於先天不足卽由於攻伐過傷每見癰兒無不肌肥面白神慢氣怯卽萬氏亦謂面色或青或白豈有青白之兒能任攻伐者乎只因中氣素弱脾不運化則乳食精微不化榮衛而化爲痰偶值寒凝卽倏然而發豈必心竅有痰而後發哉若果心竅有痰則已懵然一物何以發過清明如故可知非痰迷心竅之證誤作痰迷心竅之治愈攻愈敗愈發愈勤不至於廢棄不止也有識者補救尙虞不暇猶敢以礪石硃砂珍珠

鐵粉之重墜傷其心氣以甘遂大毒之物損其心  
血更加黃連之苦寒敗胃雖有一錢之參如紅爐  
點雪後方硃砂牙櫛雄黃金箔之類亦猶是也原  
其意不過謂重墜可以鎮心苦寒可以瀉火毒少  
可以攻痰此等治癰無異赧王伐秦救趙而周趙  
卒爲秦併雖理或有說而勢所不能也故予之治  
癰從不用治癰之方而十全其十此等之證非用  
從治之法莫能成功其如幼科諸君枋榆自足膏  
蘧願聞惟知見證治證不知古哲有見痰休治痰

見血休治血有汗勿止汗逢熱莫退熱喘生毋降  
氣精遺勿澁洩之訓此蓋從治之法而幼科視爲  
汎言寄司命之責者固如是乎有見者毫不治痰  
而痰自不生毫不治癰而癰自不作此其所以爲  
神也

○入方

消風丸

凡治小兒諸般癰證先服此丸七服此非治癰之  
藥用以疎散外感開通經絡庶後藥得以流通故

耳

南薄荷 川羌活 川獨活 北防風 明天麻

荆芥穗

正川芎

北細辛

已上俱一錢

膽南星

二錢

右爲細末煉蜜爲九重一錢一顆每日一丸薄荷  
煎葉煎湯化服服完七丸方服後藥

### 集成定癰丸

治小兒癰證從前攻伐太過致中氣虛衰脾不運  
化津液爲痰偶然有觸則昏暈卒倒良久方甦此  
不可見證治證蓋病源深固但可徐圖惟以健脾

補中爲主久服痰自不生癰自不作矣倘係年深

日久者與河車八味丸間服無不愈者

官揀參

一兩切  
片焙乾

漂白朮

一兩五錢  
切片土炒

白雲芥

一兩

切片薑汁  
蒸過晒乾

真廣皮

一兩  
酒炒

法半夏

一兩

石菖蒲

五錢  
節者切片

白當歸

一兩  
酒洗晒切

青化桂

五錢  
去皮  
洗桂不用

杭白芍

一兩  
酒炒

白薏仁

一兩  
酒炒

漂蒼朮

一兩  
用黑  
脂麻炒

南木香

五錢  
忌火

真龍齒

一兩  
火煨醋淬研末  
水飛過晒乾五錢

赤金箔

三十  
張

鏡面砂

三錢  
研末水  
飛晒乾聽用

右藥各依分兩製過合爲一處焙乾研細末篩過

煉蜜爲丸龍眼核大以硃砂爲衣貼以金箔曬乾以磁瓶收貯每日早午晚各服一丸薑湯化服癰證未久者服此倘年深日久者早服河車八味丸午晚服此無力備參者不用亦可

### 河車八味丸

治小兒癰證年深日遠肝腎已虧脾肺不足心血耗散證候不時舉發此證總歸於虛不可以爲有餘而攻逐之致成不救但以此丸早服以救肝腎前定癰丸午晚服以寧心健脾生肺則萬舉萬全

真神治也

紫河車一具頭生男者用白簪煎湯 大地黃三兩

薑汁砂仁同酒煮爛 淨棗皮炒乾 粉丹皮五錢

宜澤瀉五錢鹽水炒乾 嫩鹿茸二兩切 白雲苓一兩

乳汁蒸晒 懷山藥一兩五錢酒炒 川熟附七錢五分

青化桂七錢五分去粗皮研 北五味一兩去梗炒乾 大麥冬一兩

去心糯米拌炒

右藥依法炮製和為一處焙極乾研為細末煉蜜為丸龍眼核大每早一丸用淡淡鹽湯化服以飲

食壓之、午及臨臥、各用前定痢丸一服、

○幼科預宜修製應用丸藥七方

消風丸 凡疎通腠理、清解表邪、啟發皮毛、流利經絡、病之初起者用之

方見二卷痢證門

集成金粟丹 凡開關通竅、下氣利痰、醒昏定瘕、一切危急者用之、

方見二卷咳嗽門

集成沆瀣丹 音亢 凡導滯清熱、降火利膈、解胎毒、去



積熱、通利二便、用之、

方見二卷胎疾門

瀉青丸 凡退熱平肝、清表裏、定痙搐、解煩、退熱、表裏兩急者、用之、

方見四卷啼哭門

理中丸 凡脾虛中寒、面青、腹痛、寒嘔、寒瀉、四肢厥冷、一切虛寒者、用之、

方見二卷乳子傷寒之理中湯、加增分兩炒研蜜丸、卽理中丸

三仙丹 凡飲食過多有形之物填塞中焦及痢疾大便不通一切宜攻下者用之

方見二卷痢疾門

太極丸 凡遇年歲疫癘流行小兒發熱昏沉甚則作搐者時疫也宜用此

方見二卷小兒時疫門

已上七方皆宜預爲修製以備急需凡古方截風定搐之藥無所用之不必留意

○孔子傷寒證治

幼科謂小兒八歲以前無傷寒不知此語出於何經夫寒風暑濕燥火爲六氣政令乃陰陽代謝之機豈傷人之物只因人之臟氣不足者各從其類而翕受之因其偏受而致病所以謂六淫之邪其來自天決無擇人而入之理今謂小兒八歲以前無傷寒不知寒邪不傷八歲以前之兒乎抑八歲以前之兒不受寒邪之傷乎若謂八歲以前天癸未足則八歲以後天癸仍未足則應云十六歲以前無傷寒又何獨以八歲爲言哉夫癸腎內藏真

陽與壬膀爲表裏今發水真陽未足則壬水清寒  
故寒邪之來各從其類竟趨太陽寒水之經以寒  
召寒誠莫能禦所以小兒傷寒爲最多命謂其無  
傷寒不幾令小兒之病傷寒者束手待斃皆死非  
命乎非小兒無傷寒因其榮血未充易於生熱治  
之不當卽變而爲癰幼科指爲驚風者卽此是也  
然小兒傷寒貴於急治但不宜發表由其肌膚薄  
腠理疎恐致汗多亡陽若能於初起之時卽爲解  
肌祛其表邪從外而出則必無變癰之虞矣

或曰傷寒同一病耳而乳子與小兒治各有異何也  
曰乳子筋骨柔脆不耐傷寒初入太陽即人事昏  
沉渾身壯熱筋脉牽強醫不詳辨誤認驚風其禍  
立至所以乳子傷寒貴於急治故辨證不繁用方  
宜簡若遷延時日則無力耐之矣是以與小兒之  
傳經論治者緩急不同

其證初起男體重而黃而帶慘色女面赤而帶慘色  
喘急惡寒口中氣熱呵欠頻悶項急者是也

如惡風寒必偃藏其身於母懷者是藏頭伏面此

表證可與解肌桂枝防風湯

如惡熱出頭露面揚手擲足煩渴便秘掀衣氣籠是  
爲裏證畧疎通之小柴胡湯加大黃中病卽止  
如頭額冷手足冷口中氣冷面色闇淡大便瀉青此  
爲陰證裏虛當救其裏理中湯

如大熱大渴自汗此表裏實熱宜和解柴胡白虎湯  
清之

又有先傷風寒後傷飲食或先停飲食後感風寒名  
夾食傷寒其證壯熱頭痛噯氣腹脹大便酸臭閉

連不解大柴胡湯下之體素怯者惺惺散

○入方

桂枝防風湯

治半週一歲以至三五歲幼兒傷寒初起惡寒發熱體重面黃或面白喘急口中氣熱呵欠頓悶速以此方解散肌肉之邪此方有汗能止無汗能發不致過汗亡陽爲幼科解表之第一方

嫩桂枝

錢半

杭白芍

錢二

羌防風

錢半

老生薑

錢一

大紅棗

五枚

炙甘草

錢一

右作一劑水煎熱服

有痰加北芥子

錢一

有嘔吐加陳皮半夏

各一錢

熱多加柴胡

錢一

胸緊氣急加枳殼桔梗

各二錢

小柴胡湯加大黃

治小兒裏熱惡熱出頭露面揚手擲足煩渴燥糞

掀衣氣麤微利之

官揀參

七分

北柴胡

錢半

片黃芩

錢一

法半夏

錢一

炙甘草

五分

錦莊黃

錢一

生薑三片紅棗三枚爲引水煎熱服



理中湯

治陰證裏虛頭額冷手足冷口中氣冷面色闇淡

大便泄青

官揀參

錢一

漂白朮

錢二

炮薑灰

錢五

炙甘草

錢一

大棗三枚爲引水煎濃涼冷服

柴胡白虎湯

治表裏皆熱大熱大渴自汗

官揀參

錢一

熟石膏

錢二

淨知母

錢一

北柴胡

錢一

炙甘艸

錢一

合一劑用早粳米一撮爲引水煎熱服

大柴胡湯

治夾食傷寒其證壯熱頭痛噯氣腹脹大便酸臭  
延綿不解

北柴胡

錢五

錦莊黃

錢一

法半夏

錢一

赤芍藥

錢一

小枳實

錢二分

生薑三片大棗一枚爲引水煎熱服

惺惺散

治小兒真元不足氣血怯弱內傷外感熱不能受

官揀參錢一

漂白朮錢五

白雲苓錢一

白芍藥錢一

牙桔梗錢一

天花粉錢一  
酒炒

北細辛錢五

正川芎

錢一 北防風錢一

生薑三片紅棗三枚爲引水煎熱服

○小兒傷寒類治出程鳳雛  
慈幼筏

帝曰人傷於寒而傳爲熱何也岐伯曰夫寒盛則生熱也帝曰今夫熱病者皆傷寒之類也○小兒八歲以後氣血充足經脈完固傷寒與大人同治仍自表達裏先皮毛次肌肉次筋骨腸胃絲毫不

爽其始也、先從太陽寒水一經、有惡風惡寒、頭痛、脊強等證、寒鬱皮毛、是爲在表、脉浮緊、無汗爲傷寒、脉黃湯發之、得汗而解、脉浮緩有汗爲傷風、以桂枝湯散之、汗止而解、

〔疏〕太陽經在最外一層、故邪入皮毛、卽先傷之、皮毛不能傳變、由太陽之絡脈傳入本經、而後內入諸經也、邪客皮毛、卽玄府閉、汗孔也、人身臟腑之氣

無刻不與外氣通、通故和暢、玄府閉則內氣不能發洩而生熱、非風寒能變熱也、此時但發其皮毛、

玄府開而邪隨汗散矣、麻黃桂枝汗皮毛之方、非  
解中之藥也、若表不解、熱積而日甚、從本經、反而  
之內、及各經之井、滎、俞、合、交會之處、則熱傳於他  
經、而各經並見矣、

經脉所出爲井、所溜爲滎、所注爲俞、所入爲合、十二經脉莫不

皆然

太陽既罷、無頭痛惡寒、脉又不浮、爲表證罷、而在中

乃陽明少陽之間、脉不浮不沉、而在乎肌肉之間、

皮毛之下、然有二焉、若微洪而長、陽明脉也、外證  
與乾不眠、用葛根解肌、脉弦而數、少陽脈也、外證

胸滿耳聾、口苦、寒熱往來、以小柴胡湯和之、甚陽

明少陽不從標本從乎中治若有一毫惡寒邪尚在表雖入中還當兼散邪

**疏**肌肉不能傳變肌肉之中皆經絡也經絡謂之中裏則臟腑表則皮毛臟腑之氣血惟經絡傳達外邪之壅熱亦惟經絡傳變故陽明少陽皆從中

治中者經病也非胃與膽病也

陽明屬胃少陽屬膽皆外之經絡受

病非內之胃與膽病也

經病用和解和解亦必由汗散然非

開發皮毛之法矣蓋邪初客表經中陰津受傷但啟其毛竅而汗自通及熱傳中經血液燔灼竅雖

被而汗爲熱隔不能外達庸工不知尙用風熱之藥以發其表益助熱而耗陰汗源乾涸究竟不得汗而斃者多矣仲景和解只清解熱邪而津液自存陰汗旣充湧出肌表而外邪自然煥散此養汗以開玄府與開玄府而出汗者迥乎不同也

邪在陽明則解肌邪在少陽則和解然病猶未退旣爲傳裏實熱脉不浮而沉按之筋骨之間所謂陽明胃府病也與經病不同

陽明經病已罷至此傳入於胸中之胃府矣

若脉沉實有力外證不惡風寒而反惡熱譫語大

渴六七日不大便皆腸胃燥實致之輕則大柴胡湯重則三承氣大便通而熱愈矣

〔疏〕熱邪入裏驅出爲難故就大便通洩從其近也得汗而經邪從汗解非汗爲害而欲驅之也便矢而府邪從矢出非矢爲難而欲攻之也矢與屎同醫不察此但知消尅瀉下之法始終禁絕飲食求一便矢爲能事殊可笑矣

寒邪直入三陰之經名曰直中乃三陽主氣衰無熱拒寒也故初起卽手足厥冷或戰慄踈臥不渴或



腹痛嘔吐泄瀉或口吐涎沫面如刀刮不發熱而脈沉遲無力此不從陽經傳入同治之例更當看外證何如輕則理中湯重則薑附湯四逆湯治之  
〔疏〕傷寒者由皮毛經絡而後入臟腑初雖惡寒發熱而終爲熱證其人必素有火者直中臟腑始終惡寒而並無發熱等證其人必素無火者一則發表攻裏一則溫中散寒兩途判然明白

證有反常者如發熱面赤煩躁揭去衣被飲冷脈大非陽證乎然投涼藥而死者何也內有伏陰也切

其脉不論浮沉大小必指下無力按之筋骨之間  
皆然甚者服一切茶湯及藥皆吐此陰盛格陽乃  
白通湯加人尿豬膽汁證仲景將傳經直中并論  
正謂有陰證似陽陽證似陰耳如太陽證頭疼發  
熱當脉浮而反沉又似少陰矣故用麻黃附子細  
辛湯少陰證脉沉應無熱而反發熱又似太陽矣  
須用甘草乾薑附子湯陰證四肢厥逆而陽證亦  
有厥逆此四逆湯與四逆散不同也陰證下利陽  
證亦有漏底此理中湯與黃龍湯不同也

○傷寒總括五法

一曰發表、其證脉浮、發熱身痛惡寒、脊項強、氣喘咳、嗽、頭痛、四肢拘急、目舌和、脉不沉、口不渴、大小便如常、方主麻黃桂枝、青龍之屬、

一曰解肌、脉尺寸俱長、目痛鼻乾、漱水不欲嚥、方主葛根湯、升麻葛根之屬、

一曰和解、脉不浮不沉、往來寒熱、嘔吐脇痛、胸脘脹滿、耳聾頭汗盜汗、目眩口苦、方主小柴胡、大柴胡之屬、

一日攻裏脈至沉而有力潮熱惡熱腹痛下利轉失  
氣手足心腋下汗出咽乾齒燥目不明譫語發  
狂小腹滿下利清黃水不得眠小便多自汗外證  
頭痛發熱俱罷方主白虎小承氣六一順氣之  
屬

一日收裏脈沉無力下利清穀小便清長四肢厥冷  
嘔吐清水涎沫背惡寒踈臥多眠囊縮爪甲青吐  
衄乾嘔舌卷手足拘急身體痛如被杖方主理  
中四逆真武白通之類

○入方

麻黃湯

治太陽經寒傷榮發熱無汗惡寒

淨麻黃 嫩桂枝 光杏仁 炙甘草 等分

水煎熱服得汗而解

桂枝湯

治太陽經風傷衛發熱自汗惡風

嫩桂枝

錢五

杭白芍

錢二

老生薑

錢半

大紅棗

枚五

炙甘艸

錢一

冰煎熱服仍得微汗不可大汗

大青龍湯

治太陽證見風脉

淨麻黃

熟石膏

各三錢

嫩桂枝

一錢

光杏仁

五枚

炙甘草

四錢

老生薑

一片

大紅棗

一枚

水煎溫服惟恐汗多

太陽證而見風脉是有頭痛身熱無汗惡寒但脉不緊而緩爲傷寒兼中風之候故合麻黃桂枝用之風寒外盛則人身之陽鬱爲內熱石膏所以加

也曰大青龍言其行雲致雨之速然苟不善用則  
亡陽之禍變為筋惕肉瞤矣可不慎哉

### 小青龍湯

治表不解心下有水氣乾嘔或咳或噎或喘

淨麻黃

嫩桂枝

白芍藥

製半夏

已上各一錢二分

炙甘草

白乾薑

北細辛

各五分

北五味

十二粒

水煎溫涼得所徐服

表不解者頭痛身熱尚在也渴時飲水過多故心  
下有水氣咳噎喘者水寒射肺也有聲無物曰乾

嘔此方麻桂草發表夏辛薑散水氣芍藥和陰血  
五味收肺氣所謂青龍者東方木神主發育萬物  
之義

惺惺散

方見前孔子傷寒門

葛根湯

治陽明胃經目痛鼻乾不眠

粉乾葛

一錢五分

赤芍藥

嫩桂枝

炙甘草

各六分

淨麻黃

去節一錢

鮮葱白

三莖

老生薑

一片

大棗

一枚



淨水煎，搗熱。

如惡寒加麻黃，惡風加桂枝，如正陽明腑病，不惡寒有汗而渴，當用白虎湯。

升麻葛根湯

治邪在陽明經，無汗惡寒發熱。

綠升麻 粉乾葛 赤芍藥 炙甘草

淨水煎熱服。

此方疏表去寒，和血調氣，故爲痘家之用。

小柴胡湯

治少陽膽經耳聾脇痛寒熱往來口苦

北柴胡

三錢

官揀參

片黃芩

法半夏

炙甘草

各一錢

薑一片棗一枚爲引水煎服

按此經無出入路不可汗下止此湯和解之如兼陽明證本方加葛根芍藥如尙有惡寒等證用大柴胡湯

太陽經表之表也行身之背陽明經表之裏也行身之前少陽經半表半裏也行乎兩脇之傍過此

則少陰太陰厥陰俱入臟而為裏

大柴胡湯

治表證未除裏證又急汗下兼行

北柴胡

錢五

片黃芩

錢一

白芍藥

錢一

法半夏

八分

錦莊黃

七分

小枳實

四分

老生薑

三片

大紅棗

一枚

水煎空心熱服

白虎湯

治身熱大渴而有汗脈洪大者無渴者不宜

煑石膏

三錢

淨知母

二錢

炙甘草

一錢

晚粳米

一匙

淨水煎濃滾熱服

邪入於裏內有實熱故惡熱熾越故有汗裏燥故有渴邪盛故脉大邪在陽明故脉長白虎者西方金神也名此者欲秋金之令行而夏火之炎息耳此暑月熱病發熱正方石膏寒中之藥淡而辛能汗能利必其人大汗而渴齒燥脉洪長可用若無汗脈虛而不洪長或重按全無雖壯熱口渴象白虎證此脾胃氣虛元陽不足悞服必死

調胃承氣湯

治太陽陽明不惡寒反惡熱大便秘結而嘔日晡潮熱

錦莊黃

錢三

白朮硝

錢二

炙甘草

錢一

生薑五片水煎熱服

大承氣湯

治陽明太陰證語五六日不大便腹痛煩渴并少

陰舌乾口燥日晡發熱脉沉實者

錦莊黃

錢五

川厚樸

錢二

小枳實

錢二

白朮硝

錢三

老生薑五片用水煎滾熱服

小承氣湯

治六七日不大便腹脹滿悶病在太陰無表證汗後不惡寒潮熱狂言而喘者

錦莊黃 三錢 川厚樸 二錢 小枳實 二錢

淨水煎濃滾熱服

桃仁承氣湯

治外證已解小便急大便黑小便利爲瘀血證

錦莊黃 二錢五分 白芒硝 一錢五分 嫩桂枝 一錢

光桃仁 十粒 炙甘草 一錢

水煎滾熱空心服

凡用三承氣者須以手按病人自胸至小腹果有硬處手不可近又看其舌之燥滑何如然後分別

當急下者

宜大承氣湯

可少與者

宜小承氣湯

宜微和胃氣

者

調胃承氣湯

此以仲景聖法用之也

### 小建中湯

治傷寒腹中急痛陰陽相乖

嫩桂枝

錢一

白芍藥

錢二

炙甘草

錢一

新傷糖

五匙

老生薑

五片

大紅棗

三枚

淨水濃煎半飢服

陰證腹痛不大便桂枝芍藥湯腹痛甚桂枝大黃湯腹痛自利小便清白宜四逆理中

黃耆建中湯

治傷寒汗後身痛脉遲弱者

炙黃耆

錢五

炒白芍

錢二

青化桂

錢一

炙甘草

錢一

老生薑

片五

大紅棗

枚五

煎好入錫糖三匙再煎一沸服若微溏泄者或嘔

者皆不用



汗多耗損陰氣不能榮養筋骨故痛陽虛故脉遲  
汗後故脉弱此乃建立中氣使生長榮衛通行津  
液則表不虛而身痛自愈

理中湯

治太陰即病自利不渴寒多腹痛

人參片

二錢

漂白朮

三錢

炮乾薑

一錢

炙甘草

一錢

淨水濃煎溫涼徐服

真武湯

治汗發過多心下悸頭眩身瞶振振欲擗地者

熟附片

白芍藥

白雲苓

各二錢

漂白朮

五錢

老生薑

二錢

淨水濃煎溫涼得中服

心亡津液腎氣欲上而凌心故悸汗多亡陽虛邪  
內動故眩暈欲擗地真武者北方之神能司水火  
不使蛟龍起陸者也

白通湯

治少陰下利無脈

熟附子

三錢

白乾薑

半錢

鮮葱白

三錢

淨水濃煎冷服

少陰主禁固二便寒邪居之則失其權矣故下利  
葱白所以通陽氣也薑附所以散陰寒也能散能  
通差足盡少陰之職

服此湯利不止復厥逆無脉乾嘔而煩卽加薑便  
半杯猪膽汁五匙服之脈微續者生脉暴出者死  
麻黃附子細辛湯

治少陰病始得發熱脉沉

淨麻黃

錢三

熟附片

錢三

北細辛

錢一

淨水煎濃溫冷服

病發於陰當無熱有熱者乃太陽經表裏相傳之證也少陰虛則太陽之邪由絡直入其不盡入者留爲表熱故用麻黃以發汗辛附以溫中中外互攻而賊邪讐服矣

四逆湯

曉明按湯  
當作散

治陽氣亢極血脈不通四肢厥逆在臂脛之下若陰證則上過乎肘下過乎膝矣

北柴胡 白芍藥 小枳實 炙甘草 等分

淨水濃煎滾熱服

陽邪傳入於陰裏有結熱陽氣不能伸於四末故  
四逆而不溫用枳實所以破結氣而除裏熱用柴  
胡所以升發真陽而回四逆甘草和不調之氣芍  
藥收失位之陰犬傷寒以陽爲主四逆則有陰進  
之象若用苦寒下之必致陽益虧矣故用此方

甘草瀉心湯

治呢逆脉洪大心火上奔肺不得納

炙甘草

二錢

正川連

五分

法半夏

一錢

片黃芩

一錢

官揀參一錢

白乾薑一錢

老生薑一錢

大紅棗五枚

淨水濃煎對人參湯服

胃寒呃逆脈微細乾薑半夏丁香柿蒂治之若因失下大便實者小承氣湯治之

玄參升麻湯

治發瘧咽痛

黑玄參錢五

綠升麻一錢

炙甘草一錢

淨水濃煎熱服

陽毒升麻湯

治赤癰狂言吐膿血

綠升麻

錢五

真犀角

錢一

鮮射干

錢一

片黃芩

錢一

官揀參

錢一

炙甘草

分八

淨水濃煎對人參湯熱服

陽證誤溫當汗失汗當下失下或下早邪熱入胃  
或下遲熱留胃中皆致發癰赤者二方可治紫黑  
必死

世有內傷發癰者胃氣虛極一身之火浮遊於外  
宜補以降之此證人多不識

桃仁湯

治狐惑聲啞

光桃仁

十二

槐花子

二錢

陳艾葉

一錢

大紅棗

三枚

淨水久煎極濃空心熱服

狐惑者失汗所致食少胃空蟲咬其臟則上唇生瘡爲惑蟲食其肛則下唇生瘡爲狐其候齒燥聲啞惡食面目乍赤乍白乍黑舌上白胎唇黑四肢沉重喜眠服此須更以黃連犀角清之

黃連犀角湯



服桃仁湯後服此、

真犀角

錢三

正川連

錢二

肥烏梅

個四

南木香

分三

淨水濃煎磨木香沖服、

雄黃銳散

治蟲食肛狐惑證、

明雄黃

光桃仁

乾苦參

正川連

青箱子

右等分爲末艾汁和勻、如小指尖大綿裹納人穀

道中日易之、

牛蒡根湯

治發汗不透，餘毒在心包絡，令蹉後昏沉，甚至手足指掇，或寒或熱。

牛蒡根

淨麻黃

川牛膝

製南星

各六錢

右爲末，每服五分，好酒調下，日三服。

牡蠣澤瀉湯

治前證腰以下浮腫者。

左牡蠣

煨

宜澤瀉

甜葶藶

天花粉

等分

右爲細末，每服一錢，米飲調下。

黃龍湯

治發熱不退或寒熱往來

北柴胡

三錢

炒黃芩

赤芍藥

炙甘草

各二錢

生薑三片、紅棗三枚爲引水煎熱服

○傷風證治

經曰風爲百病之長、清淨則肉腠閉拒、雖有大風苛毒、勿之能害、否則天有八風、乘虛感譴、又曰賊風虛邪、避之有時、○賊風者如立春日、起肝木王七十二日、西風爲賊邪、金尅木也、立夏日、起心火王七十二日、北風爲賊邪、水尅火也、立秋日起、肺金

王七十二日南風爲賊邪火尅金也立冬日起腎  
水王七十二日西南風爲賊邪土尅水也三六九  
十二月脾土每季王一十八日東風爲賊邪木尅  
土也此對衝之風最能傷人然中氣足腠理密者  
始能無害其所以受邪致病者皆怯弱之體故風  
邪得以乘之或有不慎而感受者頓然頭痛鼻塞  
呵欠喘急身熱脉浮者是也蓋肺主皮毛風入皮  
毛多爲咳嗽其指紋紅紫而長外感候也復有傷  
風自利腹脹而手足冷者脾怯也當與和脾而兼

發散有潮熱多睡氣餒嘔吐乳食不消大便黃白而嗽者脾肺受寒不能受納而吐也若傷風多淚脇痛目腫而咳者兼肝證也舌苦面赤汗流而嗽者兼心證也面黃唇腫少食惡心兼脾證也面白眶腫上氣喘急爲肺本病也嗽而腰疼者兼腎證也

○入方

人參敗毒散

人參無力指辨者不用亦可

治小兒四時感冒以及傷風咳嗽凡咳嗽痰不應

者、每日二服、不拘劑數、以痰豁爲度、

官揀參

五分

白桔梗

陳枳殼

正川芎

甘艸

白雲苓

川羌活

川獨活

信前胡

北柴胡

北防風

荆芥穗

各一錢

生薑一小片爲引、水煎熱服、忌油、

脾怯者、倍雲苓、加懷山、扁豆、

脾肺寒者、倍雲苓、加白朮、懷山、藿梗、

兼肝證、倍柴胡、加白芍、微加青皮、

兼心證、倍獨活、加連翹、木通、

兼脾證加六翹山查麥芽

兼肺證倍枳殼加北芥子

兼腎證倍獨活

○傷暑證治

經曰因於暑汗煩則喘滿靜則多言體若燔炭汗出而散又曰氣盛身寒得之傷寒氣虛身熱得之傷暑○嬰兒之患夏秋爲甚蓋火土旺於長夏正當金水受傷稗陽陰微已失天和加之暑熱陽氣浮於外生冷戕於中夏失長養則不能生金而病於

暑然有中暑而病者有因暑而致病者雖病有不  
同而總由於暑故其爲病有陰陽二證曰陰暑曰  
陽暑治由水炭不可不辨也

一陰暑者因暑而受寒也凡膏粱之兒畏暑貪涼不  
避寒氣又或居深堂廣廈或乍熱乍寒之時不離  
衣被以致寒邪襲於肌表其證頭痛無汗惡寒身  
體拘急四肢酸疼此以暑月受寒雖名陰暑卽傷  
寒也治宜溫散五積散清暑益氣湯不惡寒而發  
熱者人參白虎湯熱退後用調元生脈散補之



又有不慎口腹過食生冷瓜果涼茶冷水以致寒涼傷臟而爲嘔吐瀉利腹痛等證此亦因暑受寒寒邪在內治以溫中爲主加味五苓散不應理中湯陽暑者藜蘆之兒有之常在烈日之中坐於熱地之上澡浴寒澗之內其證發熱頭痛煩燥大渴大泄脉洪滑大便乾結小便赤痛者白虎湯脉虛煩渴而少氣者人參白虎湯若眩暈者生脈散兼吐瀉者藳苓湯

凡治暑證最當辨其陰陽虛實若外中熱邪內亦煩

燥而熱者此表裏俱熱方是陽證治宜清補如  
若脈虛無力或爲惡寒背寒或爲嘔惡或爲腹痛泄  
瀉或四肢鼻尖微冷或不喜涼茶冷水或息促氣  
短無力以動之類皆陽中之陰證也凡見此類但  
當專顧元氣四君子爲主治或理中湯加芍藥若  
虛寒甚者則會時令而從證附桂在所必用切不  
可因暑熱之名而執用寒涼解暑則禍不可勝言  
矣

○入方

五積散

治陰暑受寒、頭痛無汗、惡寒、身體拘急、四肢酸疼、  
以此溫散之、

香白芷 真廣皮 川厚樸 牙桔梗 陳枳殼

正川芎 杭白芍 白雲苓 漂蒼朮 大當歸

製半夏 嫩桂枝 黑炮薑 炙甘草

生薑三片 紅棗三枚 水煎服

消暑益氣湯

治傷暑煩熱、自汗、口渴、惡寒、發熱者、

官揀參六分

炙黃耆一錢

漂白朮一錢

六神麴一分

宜澤瀉五分

川黃蘗五分

杭青皮五分

粉乾葛一錢

北五味三分

炙甘草五分

生薑一片大棗三枚為引水煎熱服

人參白虎湯

治中暑不惡寒而發熱者

大官揀一錢

熟石膏二錢

淨知母一錢

炙甘草一錢

晚粳米五錢

水煎熱服口渴甚加麥冬一錢北五味五分

調元生豚散

平肝木益脾土瀉邪火補元氣小兒要藥

官揀參

錢一

炙黃耆

錢二

大杭冬

錢一

北五味

分三

炙甘草

錢一

生薑三片大棗三枚水煎溫服

加味五苓散

治暑證之要藥也

漂白朮

錢二

白雲苓

錢二

結猪苓

錢二

宜澤瀉

錢二

青化桂

錢一

藿香梗

錢一

宜木瓜

錢一

西砂仁

錢一

生薑一片大棗一枚燈心十莖引水煎熱服

理中湯

治陰暑嘔吐瀉利腹痛

官揀參

三錢

漂白朮

三錢

黑炮薑

五錢

炙甘草

二錢

大棗三枚引水煎溫服

白虎湯

治陽暑發熱頭痛煩燥大渴大汗脉洪實大便秘

結小便赤痛

煆石膏

三錢

淨知母

二錢

炙甘草

一錢

晚粳米

一兩

水一碗先煮米熟納後三味同煎滾服

生脉散

固中氣清火熱保肺金

官揀參錢一 大杭冬錢三 北五味錢七

水煎極濃溫服

藳朮湯

治陽暑脉虛兼吐瀉

漂白朮錢二 陳香薷錢半 白雲苓錢二 結猪苓錢二

宜澤瀉錢二 青化桂錢一 白扁豆錢五 川厚樸錢一

炙甘草

五

生薑一片大棗一枚燈心十莖引水煎服

四君子湯

方見三卷瘧疾門

理中湯加芍藥

治傷暑腹痛泄瀉即本方加炒白芍藥一錢五分

○傷濕證治

經曰諸濕腫滿皆屬於脾又曰風雨則傷上清濕則傷下○是濕之爲病有出於天氣者雨露是也有



出地氣者泥水是也有出飲食者酒漿生冷是也  
有出人事者汗衣臥濕如小兒澡浴糞穢衣襪不  
乾皆是也然所因雖異悉由乎脾氣之虛而辨治  
之法其要惟二一曰濕熱一曰寒濕盡之矣病而  
發熱者謂之濕熱病而多寒者謂之寒濕濕熱之  
治宜清宜利熱去濕亦去也寒濕之治宜燥宜溫  
非溫不能燥也

一濕熱證其證發熱身痛多煩渴小便赤澀大便秘  
結脈見洪滑方是熱證宜利宜清柴苓湯茵陳飲

如果濕熱之甚或元氣壯而兼秘結不通者方可  
推蕩之集成沆瀣丹

一寒濕證惟腹滿泄瀉嘔吐皆寒濕之病也凡小兒  
喜弄冷水坐臥濕地其證頭瞤身重寒熱往來宜  
胃苓湯如兼嘔吐加藿香砂仁如因中濕浮腫者  
胃苓湯合五皮散如不效必用溫補俟陽氣漸復  
則陰邪始退如理中湯八味丸宜擇用之

凡脾虛多病濕內因酒麪停滯嗜瓜果喜生冷燒炙  
甘肥以致濕熱壅滯而爲病者此內因也復有坐

臥濕地霧露陰雨所客澡浴爲風所閉涉水爲濕  
所鬱鬱於肌腠則發黃此濕由外生可見內外所  
感皆由脾氣虛弱而濕邪乘而襲之中濕發黃者  
茵陳五苓散不效六君子湯燥脾而黃自退

○入方

柴苓湯

治中濕惡熱如瘧

官棟參

錢

北柴胡

錢五

枯黃芩

錢一

法半夏

錢一

漂白朮

錢

結猪苓

錢一

宜澤瀉

錢一

上青桂

分五

白雲苓

錢一

炙甘草

錢五

生薑三片大棗三枚水煎熱服

茵陳飲

治中濕發黃作熱大小便瀉

茵陳蒿

錢二

黑梔仁

錢五

赤茯苓

錢一

甜葶藶

錢一

小枳實

錢五

生甘草

錢五

燈心十莖水煎食前服

沅瀝丹

方見二卷胎疾門

胃苓湯

治中濕頭重體重往來寒熱和水土調脾胃

漂蒼朮

錢二

炒厚樸

錢一

廣陳皮

錢一

炒白朮

錢一

白雲苓

錢一

結猪苓

錢一

宜澤瀉

錢一

炙甘草

分五

上青桂

分五

生薑三片水煎食前服

五皮散

此方合胃苓湯專治浮腫神效

生薑皮

大腹皮

茯苓皮

桑白皮

五加皮

已上各二錢

燈心十莖大棗三枚為引水煎空心服

理中湯

方見二卷傷暑門

八味地黃湯

方見一卷保產門

茵陳五苓散

治中濕發黃

茵陳蒿

錢二

澤瀉

錢一

白朮

錢五

結猪苓

錢一

宣澤瀉

錢一

青化桂

五

炙甘草

五

生薑三片、大棗三枚為引、水煎服。

六君子湯

方見二卷非摘門、

○霍亂證治

經曰足太陰厥氣上逆則霍亂、又曰不遠熱則熱至、熱至則身熱吐下霍亂、○夫霍亂之病起於合邪、其證揮霍擾亂無有寧止、故名霍亂、多因夾食傷寒、陰陽隔、上吐下瀉而煩燥悶亂者是也、蓋人有

三焦上焦受納水穀主人而不主出中焦腐化水穀  
流行於五臟六腑下焦分別水穀主出而不主納  
故邪在上焦則吐邪在下焦則瀉邪在中焦則上  
吐下瀉凡霍亂得吐瀉則邪氣上下得出斯無苦  
也陳莖出盡而吐瀉自止乃有上不得吐下不得  
瀉爲乾霍亂又名絞腸痧其病因脾胃之邪無從  
而出若加喘滿作搖者十不收一其有上吐下瀉  
者當分寒熱而治之亦宜止其乳食恐其增痰也  
故霍亂飲米湯必死以其助胃邪故也宜藿香正



氣散

有先瀉後吐者、乃脾胃虛寒、故先瀉白水而吐亦不多、口氣緩而神色慢、額上有汗、六脉沉細、此爲虛冷、宜溫之、六君子湯不愈、則理中湯加藿香、木瓜各一錢

有先吐後瀉者、乃脾胃有熱、故喘促唇紅、吐來面赤、渴飲水漿、脈洪而數、此爲熱也、宜和解之、五苓散加藿香

其乾霍亂、上不得吐、下不得瀉、最爲危迫、速用鹽湯

探吐之必待其吐出宿食積痰然後用藥或以針  
刺十指甲邊令血出或刺膝灣名委中穴出血卽  
解後用藿香正氣散

○入方

藿香正氣散

治風邪傷胃陰陽不和上吐下瀉

紫蘂葉

錢一

大腹皮

錢一

芽桔梗

錢一

白雲苓

錢一

製半夏

錢五

川厚樸

錢一

香白芷

錢一

真廣皮

錢一

炙甘草

錢一

生薑三片、大棗三枚、水煎熱服、

六君子湯

方見二卷非摘門

理中湯

方見二卷、乳子傷寒門、此加藿香、木瓜、

五苓散

方見二卷中暑門、此加藿香、

鹽湯吐法

其法以溫水調食鹽畧鹹、一大碗、令兒服之、良久、

以指探其喉間則吐一吐卽鬆

○霍亂簡便方

凡霍亂吐瀉腹痛者切忌熱湯及米湯犯之必死必待其吐瀉後一二時久服藥過後俟其胃氣稍回渴止知饑方可以稀粥與之

凡霍亂嘔吐不能受納藥食危甚者速以新汲水和百沸湯各一盞和勻名陰陽湯飲數口卽定

凡痰壅及宿食惡毒之物阻塞中焦而令腹脹欲吐霍亂者卽與鹽湯令其頓服吐盡痰食卽安

霍亂吐瀉諸藥不效，藜豆胡椒各二十一粒，研細水煎服。如口渴甚者，將二物研細，以新汲井水調服，則安。

一方以六一散一二錢，濃薑湯調服。夏月更妙。蓋六一散涼，薑湯熱，亦寒因熱用之意也。

乾霍亂卽絞腸痧，其證忽然心腹絞痛，不可忍，上不得吐，下不得瀉，痰壅腹脹，手足厥冷，六脉沉細，或伏，或死在須臾，其惡候也。急用食鹽一兩，生薑五錢，搗碎同鹽炒黑色，水一大碗，煎數沸，溫服，良久以

指探喉中探吐之或不吐即瀉

絞腸痧亦有陰陽陰痧腹痛手足冷看其身上有紅點以燈火於紅點上燂之○陽痧腹痛手足煖以針刺其十指背近爪甲處一韭葉許出血即安仍先自兩臂拭下其惡血令聚指頭然後刺之

凡發痧手足厥冷腹痛用溫水一碗令病人伏臥撓

上以手蘸水拍其兩膝灣名委中穴看其有紫黑

點現以針刺出惡血即愈

脾脉肝脉腎脉三陰之脈皆從此委中穴過

又法以香油拍兩手出池穴即肘內灣處以苧麻蘸

油膏之刮起紫疹立刻即愈

肺脉心脉心包絡脉皆從此曲池而過已

上所爲亦疎散之意也

幼幼集成卷之二終